

नमो नमो निम्मल दंसणस्स

आगमसुत्ताणि



४४

नंदीसूयं

पद्मा चूलिया

संसोहय-संपायग

निपुण निर्यामिड पू. मुनिराज श्री सुधर्म सागरशु म. ना शिष्य

मुनि दीपरत्नसागर

બાલ્ય બ્રહ્મચારી શ્રી જ્ઞેમિનાવાચ નમઃ

નવો નવો નિષ્કલ્પ દંતવસ્ત્ર

શ્રી આનંદ-સમા-લલિત-સુશીલ-સુધર્મસાગરગુરુત્થો નમઃ

૪૫-આગમસુતાણિ

--: સં સો હ ય-સં પા ય ગ :-

પૂજ્ય મુનિરાજ શ્રી સુધર્મસાગરજી મહારાજ સાહેબના શિષ્ય

મુનિ દીપરત્નસાગર

તા. ૨૨/૭/૨૬

સોમવાર ૨૦૫૨

અષાઢ સુદ : ૬

૪૫ આગમના સેટની કિંમત - રૂ. ૧૫૦૦/-
(ભાવે આગમ-કાર્ય ખાતે)

આગમ શ્રુત પ્રકાશન

મુદ્રક

નવપ્રભાત પ્રિન્ટિંગ પ્રેસ ધીકાંતરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,
શાહીબાગ, અમદાવાદ.

[2]

આર્થિક અનુદાન ઠાતા

૪૫ આગમમાં મુખ્ય દ્રવ્ય સહાયક

નિષ્ઠાભાવી જ્ઞાતીવચ્ચે શ્રી સૌમ્યગુણાશ્રીજીની પ્રેરણાથી

સ વ્યક્તિ વ્યક્તિ થી જાન લો પાલિ કા

શ્રીમતી નયનાબેન રમેશચંદ્ર શાહ - સપ્તસ્વાર [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થપેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થપેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રદાંતમૂર્તિ સા. સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા. કે. બંગલે થપેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ. ની દ્વિતીયપુન્યતિથિ નિમિત્તે સા. મોહનરામશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વીંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાપટી, સુભાનપુરા-જ્ઞાનખાતુ-વડોદરા હ. લાભુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરજ્ઞાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીશ્વરજી મ. સ્ના.ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણ શ્રમજીવર્યા શ્રી અનંતગુણશ્રીજીની પ્રેરણાથી સમ્મગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - આગમ સેટ-સોજલા ગ્રાહક - ઠાલ ●

પ. પૂ. સ્ના. સૌમ્યગુણશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જખાંદભાઈ સી. કોકારી, પાલનપુર, હાલ-મદ્રાસ
૨. શ્રીમતી દેવાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, યુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, થાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખાતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતૃશ્રી ચંપાબેનના સ્મરજ્ઞાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીભાઈના સ્મરજ્ઞાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ ધુલિયાવાળા

૧ કાંતિલાલ હજમરીલાલ ચોવટીયા

૨ સંઘવી રતનલાલ ભગવાનદાસ રાહોડ

૩ મધુમતી રાજેશ રેદાસની

૪ સરલાબેન રમેશચંદ્ર વોરા

૫ સુમનભાઈ બાલચંદજી ચોરડીયા

૬ અ.સૌ.હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રાજપુરાવાળા તરફથી

૭ સ્વ. પૂ. પિત્રશ્રી રતિલાલ તારાચંદ તથા કન્યાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જમવંથલી) નંદુરબાર

૨ ગં. સ્વ. મુરજબેન પદમશી શાહ. હ. જ્યોતિબેન નંદુરબાર

૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર સ્થે. મૂર્તિ સંઘના શ્રાવિકાબહેનો નંદુરબાર

૪ સા. સમજ્ઞાશ્રીજીની પ્રેરણાથી - શાહ યુનિલાલજી શિવલાલજી, સોનગીર

૫ સુખડીયા ચત્રભુજ જન્મોત્સવદાસ હ. વીરાભાઈ - ધોરાજી

૬ શાહ મફતલાલ ફકીરચંદ, ચિલિકારક (ડભોઈ) હાલ-અમદાવાદ

૭ સા. શ્રી સૌમ્યગુણાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ

૮ સા. શ્રી સૌમ્યગુણાશ્રીજીની પ્રેરણાથી શ્રીમતી જસુદેબેન લક્ષ્મીચંદ મેતા, હ. ઈન્દુભાઈ દામાણી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. શોમચંદ બોધાભાઈ પરિવાર હ. બાલુબેન, રામપુરા

૧૦ પૂ. આગમોદારકશ્રીના સમુદાયના દીર્ઘચંધથી વિદુષી સા. શ્રી સુતરાશ્રીજી જમનગરવાળાના ઉપદેશથી તથા તેમના પકશિખાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● ૪૫ જામનગર યોજના-જામદક્ષા ●

૧ પરબાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજ્ઞાશ્રીજીની પ્રેરણાથી - શ્રી નિજામપુરા જૈન સંઘ, વડોદરા

૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા

:- ગં ધા ણુ ક્ક મ :-

| ક્રમકો | વિસ્થ | સુત્ર | ગણ | અણુક્રમ | પિટંકો |
|--------|----------------------|-------|------|---------|--------|
| ૧ | નંદિ - [મૂલસૂત્ર] | ૧-૫૧ | ૧-૧૦ | ૧-૧૬૩ | ૨-૨૦ |
| ૨ | અણુનાનંદિ પરિસિદ્ધ-૧ | ૧- | ૧-૩ | ૧-૪ | ૨૧-૨૩ |
| ૩ | જોગનંદિ પરિસિદ્ધ-૨ | ૧- | - | ૧- | ૨૩-૨૪ |

પરિસિદ્ધ-નિદંસર્ણ

| ક્રમ | પરિસિદ્ધં | પિટંકો |
|------|-------------------|--------|
| ૧ | વિસ્થાણુક્રમો | ૮ |
| ૨ | વિસિદ્ધસહાણુક્રમો | ૮ |
| ૩ | વિસ્થ નાણુક્રમો | ૮ |
| ૪ | ગણાણુક્રમો | ૮ |
| ૫ | સુત્રાણુક્રમો | ૮ |

સુચનાપત્ર

૧. આગમ સૂત્રોમાં કાબી બાબુએ છપાયેલ પ્રથમ-અંક, સૂત્ર તથા ગાથાનો સંપૂર્ણ સર્ણગ ક્રમાંક સૂચવે છે. [અણુક્રમ]
૨. છેડે જમણી બાબુએ દર્શાવેલ સિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મૂકેલો છે. [સુત્રાંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મુકેલો છે. [ગાથાંકો]
૫. છેડે જમણી બાબુએ દર્શાવેલ અંત્રેણ ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંત્રેણ ક્રમાંકન કરી નોંધેલો છે.
૬. અંત્રેણ ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજા વખત આવેલો જણવો. - શોધવો.
૭. જ્યાં સૂત્રોમાં [] આ રીતે ચોરસ ક્રીસ મુકેલા છે તે બે ચોરસ ક્રીસ વચ્ચેનું લખાણ જાવ વાખા પાઠોની કરેલ પૂર્તિ દર્શાવે છે.

नमो नमो निम्बल रंछणस्स

पंचम गणधर श्री सुधर्मा स्वामिने नमः

४४ नंदीसुत्तं

- (१) जयइ जगजीवजोणी-वियाणओ जगगुरू जगाणंदो
जगणाहो जगबंधू जयइ जगप्पियामहो भयवं ॥१॥-१
- (२) जयइ सुयाणं पभवो तित्थयराणं अपच्छिमो जयइ
जयइ गुरू लोगाणं जयइ महप्पा महावीरो ॥२॥-२
- (३) भइं सव्वजगुज्जोयगस्स भइं जिणस्स वीरस्स
भइं सुरासुरणमंसियस्स भइं पुयरयस्स ॥३॥-३
- (४) गुणभवण-गहण सुयरयणभरिय दंसण-विसुद्ध-रत्थागा
संघनगर भइं ते अक्खंडचरित्त-पागारा ॥४॥-४
- (५) संजम-तव-तुंभारयस्स नमो सम्मत-परियल्लस्स
अप्पडिचक्कस्स जओ होउ सया संघचक्कस्स ॥५॥-५
- (६) भइं सीलपडागूसियस्स तव-नियम-नुरय-जुत्तस्स
संघरहस्स भगवओ सज्जाय-सुणेमि-घोसस्स ॥६॥-६
- (७) कम्मरय-जलोह-विणिग्गयस्स सुयरयण-दीहनालस्स
पंचमहव्वयथिरकण्णियस्स गुणकेसरालस्स ॥७॥-७
- (८) सावगजणमहुअपिरियुडस्स जिणसूर-तेयबुद्धस्स
संघपउमस्स भइं समणगण-सहस्सपत्तस्स ॥८॥-८
- (९) तव-संजम-मय-संछण अकिरिय-राहुमुह-दुद्धरिस निच्चं
जय संघचंद निम्बल-सम्मत-विसुद्धजुण्णगा ॥९॥-९
- (१०) परतित्थिय-गह-पह-नासगस्स तवतेय-दित्तलेसस्स
नाणुज्जोयस्स जए भइं दमसंघसुरस्स ॥१०॥-१०
- (११) भइं धिइ-वेला-परिगयस्स सज्जायजोग-मगरस्स
अक्खोभस्स भगवओ संघसमुद्दस्स रुंदस्स ॥११॥-११
- (१२) सम्मदंसण-वडर-दढ-रूढ-गाढावगाढ-पेढस्स
धम्मवर-रयण-मंडिय-चामीयर-भेहलाभस्स ॥१२॥-१२
- (१३) नियमूसिय-कणय-सिलायलुअल-जलंत-चित्तकूडस्स
नंदनवन-मनहर-सुरभि-सील-गंधुद्धमायस्स ॥१३॥-१३
- (१४) जीवदया-सुंदर-कंदरुद्धरिय-मुणिवर-मइंद-इण्णस्स
हेउसय-धाउ-पगलंत-रयण दित्तोसहि-गुहस्स ॥१४॥-१४
- (१५) संवर-वरजल-पगलिय-उज्झार-प्पधिरायमाण-हारस्स
सावग-जण-पउर-रवंत-भोर-नच्चंत-कुहरस्स ॥१५॥-१५

- (१६) विणय-नय-पवर-मुणिवर-फुरंत-विज्जु-अलंत-सिहरस्स
विक्खिगुण-कप्पकखग-फल्लभर-कुसुमाउल-वणस्स ॥१६॥-१६
- (१७) नाण-वररयण-दिप्यंत-कंत-वेकलिय-विमल-चूलस्स
वंदामि विणयपणओ संघमहामंदरगिरिस्स ॥१७॥-१७
- (१८) वंदे उत्तमं अजिअं संभवमभिनंदणं सुमइ-सुप्पम-सुपासं
ससि-पुप्फदंत-सीयल-सिज्जंसं वासुपुअं च ॥१८॥-१८
- (१९) विमलमनंत य धम्मं संतिं कुंयु अरं च मल्लिं च
मुणिसुव्वय-न्मि-नेमिं पासं तह वद्धमाणं च ॥१९॥-१९
- (२०) पढमित्थ इंदमूर्इ बीए पुण होइ अग्गिभूइ ति
तइए य वाउभूर्इ तओ विद्यत्ते सुहम्मे य ॥२०॥-२०
- (२१) मंडिय-मोरियपुत्ते अकंपिए चेव अयलभाया य
मेयज्जे य पहासे य गणहरा हुंति वीरस्स ॥२१॥-२१
- (२२) निव्वुइ-पह-सासणयं जयइ सया सव्वभावदेसणयं
कुसमय-मय-नासणयं जिण्णिदवरवीरसासणयं ॥२२॥-२२
- (२३) सुहम्मं अग्गिवेसाणं जंबूनामं च कासवं
पमवं कच्चायणं वंदे वच्छं सिअंमवं तथा ॥२३॥-२३
- (२४) जसभहं तुंगियं वंदे संभूयं वेव भाडरं
महबाहुं च पाइण्णं दूलमइं च गोयमं ॥२४॥-२४
- (२५) एलावद्यसगोत्तं वंदामि महागिरिं सुव्वत्थियं च
ततो कोसियगोत्तं बहुलस्स सरिव्वयं वंदे ॥२५॥-२५
- (२६) हरियगुत्तं साइं च वंदिमो हरियं च सामअं
वंदे कोसियगोत्तं संडिल्लं अज्जजीयधरं ॥२६॥-२६
- (२७) तिसमुह-खाय-कित्तिं दीवसमुद्देसु गहिय-पेयालं
वंदे अज्जसमुहं अक्खुपिय-समुह-गंभीरं ॥२७॥-२७
- (२८) भणगं करगं झरगं पभावगं नाण-दंसण-गुणाणं
वंदामि अज्जमंगुं सुय-सागर-पारगं धीरं ॥२८॥-२८
- (२९) वंदामि अज्जधम्मं ततो वंदे य महगुत्तं च
ततो य अज्जवइरं तव नियमगुणेहिं वइरसमं ॥२९॥
- (३०) वंदामि अज्जरक्खियखमणे रक्खियचरित्तसव्वस्से
रयणकरंडगभूओ अनुओगो रक्खिओ जेहिं ॥३०॥
- (३१) नाणम्मि दंसणम्मि य तव-विणए निअकालमुज्जुत्तं
अज्जं नंदिलखमणं सिरसा वंदे पसन्नमणं ॥३१॥-२९
- (३२) वइद्धउ वायगवंसो जसवंसो अज्ज-नागहत्थीणं
वागरण-करण-मंगी-कम्मपयडी-पहाणाणं ॥३०॥-३०
- (३३) जच्चजण-धाउसमप्पहाण मुदीय-कुवलयनिहाणं
यइद्धउ वायगवंसो रेइइनक्खत्तनामाणं ॥३१॥-३१

- (३४) अयलपुरा निकखंते कालियसुय-आनुओगिए धीरे
बंधीवग-सीहे वायगपयमुत्तमं पत्ते ॥३२॥-32
- (३५) जेसि इनो अनुओगो पयरइ अजावि अड्ढभरहम्मि
बहुमयर-निग्गय-जसे ते वंदे खंदिलायरिए ॥३३॥-33
- (३६) तत्तो हिमवंतमहंत-विक्कमे धिइ-परक्कममनंते
सज्जायमनंतधरे हिमवंते वंदिमो सिरसा ॥३४॥-34
- (३७) कालियसुयअनुओगस्स धारए धारए य पुव्वाणं
हिमवंतखमासमणे वंदे नागज्जुणायरिए ॥३५॥-35
- (३८) मिउ-मद्दय-संपन्ने अनुपुब्बि यायगतणं पत्ते
ओह-सुय-समायारे नागज्जुणवायए वंदे ॥३६॥-36
- (३९) वरतविय-कणग-बंधग-विमलउ-वरकमल-गब्भ-सरिवण्णे
भविण-जण-हियय-दइए दया-गुण-विसारए धीरे ॥३७॥-37
- (४०) अड्ढभरह-प्पहाणे बहुविह-सज्जाय-सुमुणिय-पहाणे
अनुओगिय-वर-यसभे नाइल-कुलवंस-नंदिकरे ॥३८॥-38
- (४१) भूयहिअ-प्पगब्भे वंदेहं भूयदिण्णमायरिए
भव-भय-वुच्छेयकरे सीसे नागज्जुयणरिसीणं ॥३९॥-39
- (४२) सुमुणिय-निच्चानिच्चं सुमुणिय-सुत्तत्थ-धारयं वंदे
सब्भायुब्भावणा तत्थ [वंदे] लोहिच्चमाणाणं ॥४०॥-40
- (४३) अत्थ-महत्थ-क्खाणिं सुसमण-यक्खाण-कहण-निव्वाणिं
पयईए महुरवाणिं पयओ पणमामि दूत्तगणिं ॥४१॥-41
- (४४) सुकुमाल-कोमल-तले-तेसिं पणमामि लक्खण-पसत्थे
पाए पावयणीणं पाडिच्छगसएहिं पणिवइए ॥४२॥-42
- (४५) जे अत्ते भगवंते कालिय-सुय-आनुओगिए धीरे
ते पणमिक्खण सिरसा नाणस्स परूवणं वोच्छं ॥४३॥-43
- (४६) सेल-घण-कुडग चालणि परिपूणग-हंस महिस मेसे य
मसग जलूग बिराली जाहग गो भेरि आभीरी ॥४४॥-44
- (४७) सा समासओ तिविहा वन्नत्ता तं जहा-जाणिया अजाणिया दुव्वियइदा जाणिया
जहा ॥१९-११-१-१
- (४८) छीरमवि जहा हंसा जे घुइंति इह गुरुगुणसमिन्धा
दोसे य विवजंती तं जाणसु जाणियं परिसं ॥४५॥-45
- (४९) अजाणिया जहा- ॥१९-२११-२
- (५०) जा होइ पगइमहुरा मिय-छावय-सीहकुक्कुडयभूआ
रयणामिव असंठविया अजाणिया सा भवे परिसा ॥४६॥-46
- (५१) दुव्वियइदा जहा- ॥१९-३११-३
- (५२) न य कत्थइ निम्माओ न य पुच्छइ परिभवस्स दोसेणं
यत्थि व्व वायपुण्णो फुइइ गामिस्सयवियइदो ॥४७॥-47

सुसं-५३

५

(५३) नाणं पंचविहं पत्रत्तं तं जहा-आभिनिबोहियनाणं सुयनाणं ओहिनाणं मणपञ्जवनाणं केवलनाणं ।१।-१

(५४) तं समासओ दुविहं पत्रत्तं तं जहा-पञ्चकखं च परोकखं च ।२।२

(५५) से किं तं पञ्चकखं पञ्चकखं दुविहं पत्रत्तं तं जहा-इंदियपञ्चकखं च नोइंदिय पञ्चकखं च ।३।३

(५६) से किं तं इंदियपञ्चकखं, इंदियपञ्चकखं पंचविहं पत्रत्तं तं जहा-सोइंदियपञ्चकखं चकिंइंदियपञ्चकखं घाणिंदियपञ्चकखं जिंभिंदियपञ्चकखं फासिंदियपञ्चकखं सेतं इंदियपञ्चकखं ।४।-४

(५७) से किं तं नोइंदियपञ्चकखं नोइंदियपञ्चकखं तिविहं पत्रत्तं तं जहा-ओहिनाणपञ्चकखं मणपञ्जवनाणपञ्चकखं केवलनाणपञ्चकखं ।५।-५

(५८) से किं तं ओहिनाणपञ्चकखं ओहिनाणपञ्चकखं दुविहं पत्रत्तं तं जहा-भवपञ्चइयं च खओवसमियं च ।६।-६

(५९) से किं तं भव पञ्चइयं दुण्हं तं जहा-देवाण य नेरइयाण य ।७।७

(६०) से किं तं खओवसमियं, दुण्हं तं जहा-मणुसाण य पंचेदियतिरिक्खजोणियाण य, कोहेऊ खओवसमियं खओवसमियं-त्यावरणिजाणं कम्माणं उदिण्णाणं खएणं अनुदिण्णाणं उवसमेणं ओहिनाणं समुप्पञ्जइ ।८।-८

(६१) अहवा-गुणपडिवण्णस्स अणागरस्स ओहिनाणं समुप्पञ्जइ, तं समासओ छव्विहं पत्रत्तं तं जहा-आणुगामियं अणाणुगामियं वइटमाणयं हायमाणयं पडिवाइ अप्पडिवाइ ।९।-९

(६२) से किं तं आणुगामियं ओहिनाणं, आणुगामियं ओहिनाणं दुविहं पत्रत्तं तं जहा-अंतगयं च मज्झगयं च से किं तं अंतगयं अंतगयं तिविहं पत्रत्तं तं जहा-पुरओ अंतगयं मग्गओ अंतगयं पासओ अंतगयं से किं तं पुरओ अंतगयं पुरओ अंतगयं-से जहानामए केइ पुरिसे उक्कं वा चुडलियं वा अलायं वा मणिं वा जोइं वा पईवं वा पुरओ काउं पणोल्लेमाणे-पणोल्लेमाणे गच्छेज्जा सेतं पुरओ अंतगयं से किं तं मग्गओ अंतगयं मग्गओ अंतगयं-से जहानामए केइ पुरिसे उक्कं वा चुडलियं वा अलायं वा मणिं वा जोइं वा पईवं वा मग्गओ काउं अनुकइट्टेमाणे अनुकइट्टेमाणे गच्छेज्जा सेतं मग्गओ अंतगयं से किं तं पासओ अंतगयं पासओ अंतगयं-से जहानामए केइ पुरिसे उक्कं वा चुडलियं वा अलायं वा मणिं वा जोइं वा पईवं वा पासओ काउं परिकइट्टेमाणे-परिकइट्टेमाणे गच्छेज्जा सेतं पासओ अंतगयं सेतं अंतगयं, से किं तं मज्झगयं मज्झगयं-से जहानामए केइ पुरिसे उक्कं वा चुडलियं वा अलायं वा मणिं वा जोइं वा पईवं वा मत्थए काउं गच्छेज्जा सेतं मज्झगयं, अंतगयस्स मज्झगयस्स य को पइविसेसो पुरओ अंतगएणं ओहिनाणेणं पुरओ चेव संखेज्जाणि वा असंखेज्जाणि वा जोयणाइं जाणइ पासइ मग्गओ अंतगएणं ओहिनाणेणं मग्गओ घेव संखेज्जाणि वा असंखेज्जाणि वा जोयणाइं जाणइ पासइ पासओ अंतगएणं ओहिनाणेणं पासओ चेव संखेज्जाणि वा असंखेज्जाणि वा जोयणाइं जाणइ पासइ मज्झगएणं ओहिनाणेणं सब्बओ समंता संखेज्जाणि वा असंखेज्जाणि वा जोयणाइं जाणइ पासइ सेतं आणुगामियं ओहिनाणं ।१०।-१०

(६३) से किं तं अणाणुगामियं ओहिनाणं अणाणुगामियं ओहिनाणं-से जहानामए केइ पुरिसे एणं महंतं जोइड्डाणं काउं तस्सेव जोइड्डाणस्स परिपेरंतैहिं-परिपेरंतैहिं परिघोल्लेमाणे-

परिघोलेमाणे तमेव जोहृद्वाणं पासइ अनन्त्य गए न पासइ एचमेव अणाणुगामियं ओहिनाणं जत्येव समुप्यजइ तत्येव संखेज्राणि वा असंखेज्राणि वा संबद्धाणि वा असंबद्धाणि वा जोयणाई आणइ पासइ अनन्त्य गए न पासइ सेत्तं अणाणुगामियं ओहिनाणं १९१-११

(६४) से किं तं वड्ढमाणयं ओहिनाणं वड्ढमाणयं ओहिनाण-पसत्येसु अज्झव-साणट्ठाणेसु वट्टमाणस्स वट्टमाणचरित्तस्स विसुज्झमाणस्स विसुज्झमाणचरित्तस्स सब्बओ समंता ओही वड्ढइ १९२-११-१२-१

- (६५) जावइआ तिसमयाहागस्स सुहुमस्स पणगजीवस्स
ओगाणा जहन्ना ओहीखेतं जहन्नं तु ॥४८॥-४८
- (६६) सब्बबहु अगणिजीया निरंतरं जत्तियं भरिअंसु
खेतं सब्बदिसागं परमोही खेत-निदिट्ठो ॥४९॥-४९
- (६७) अंगुलमावलियाणं भागसंखेज्ज दोसु संखेज्जा
अंगुलमावलियंतो आवलिया अंगुल-पुहत्तं ॥५०॥-५०
- (६८) हत्यमि मुहुत्तंतो दिवसंतो गाउयमि बोद्धव्वो
जोयणदिवसपुहत्तं पक्खंतो पन्नवीसाओ ॥५१॥-५१
- (६९) भरहमि अद्धमासो जंबुहीवमि साहिओ मासो
वासं च मणुयलोए वासपुहत्तं च रुयगमि ॥५२॥-५२
- (७०) संखेज्जमि उ काले दीवसमुहा वि हुंति संखेज्जा
कालमि असंखेज्जे दीवसमुहा उ भइयव्वा ॥५३॥-५३
- (७१) काले चउण्ह वुड्ढी कालो भइयव्वु खेत्तवुड्ढीए
वुड्ढीए दव्वपज्जव भइयव्वा खेत्तकाला उ ॥५४॥-५४
- (७२) सुहुमो य होइ कालो ततो सुहुमयरयं हवइ खेतं
अंगुलसेदीमित्ते ओसप्पिणिओ असंखेज्जा ॥५५॥-५५

(७३) सेत्तं वड्ढमाणयं ओहिनाणं १९२-१२

(७४) से किं तं हीयमाणयं ओहिनाणं हीयमाणयं ओहिनाणं अप्सत्येहिं अज्झव-साणट्ठाणेहिं वट्टमाणस्स वट्टमाणचरित्तस्स संकिलिस्समाणस्स संकिलिस्समाणचरित्तस्स सब्बओ समंता ओही परिहायइ सेत्तं हीयमाणयं ओहिनाणं १९३-१३

(७५) से किं तं पडिवाइ ओहिनाणं पडिवाइ ओहिनाणं-जण्णं जहण्णेणं अंगुलस्स असंखेज्जयभागं वा संखेज्जयभागं वा वालगं वा वालगपुहत्तं वा लिक्खं वा लिक्खपुहत्तं वा जूयं वा जूयपुहत्तं वा जवं वा जवपुहत्तं वा अंगुलं वा अंगुल पुहत्तं वा पायं वा पायपुहत्तं वा विहत्थिं वा विहत्थि पुहत्तं वा रयणि वा रयणिपुहत्तं वा कुच्छि वा कुच्छिपुहत्तं वा घणुं वा घणुपुहत्तं वा गाउयं वा गाउयपुहत्तं वा जयणं वा जोयणपुहत्तं वा जोयणस्सयं वा जोयण-सयपुहत्तं वा जोयण सहस्सपुहत्तं वा जोयणलक्खं वा जोयणलक्खपुहत्तं वा जोयणकोडिं वा जोयणकोडिपुहत्तं वा जोयणकोडाकोडिं वा जोयणकोडाकोडिपुहत्तं वा उक्कोसेणं लोगं वा-पासित्ताणं पडिवएज्जा सेत्तं पडिवाइ ओहिनाणं १९४-१४

(७६) से किं तं अपडिवाइ ओहिनाण अपडिवाइ ओहिनाणं-जेणं अलोगस्स एगमवि आगासपएसं पासेज्जा तेण परं अपडियाइ ओहिनाणं सेत्तं अपडियाइ ओहिनाणं १९५-१५

(७७) तं समासओ चउव्विहं पत्रतं तं जहा-दव्वओ खेतओ कालओ भावओ तत्थ दव्वओ णं ओहिनाणी जहण्णेणं अनंताइं रुविदव्वाइं जाणइ पासइ उक्कोसेणं सव्वाइं रुविदव्वाइं जाणइ पासइ खेतओ णं ओहिनाणी जहण्णेणं अंगुलस्स अंसखेज्जाभागं जाणइ पासइ उक्कोसेणं असंखेज्जाइं अलोगे लोयमेताइं खंडाइं जाणइ पासइ कालओ णं ओहिनाणी जहण्णेणं आवलियाए असंखेज्जाभागं जाणइ पासइ उक्कोसेणं असंखेज्जाओ ओसप्पिणीओ उस्सप्पिणीओ अई-यमाजगयं च कालं जाणइ पासइ भावओ णं ओहिनाणी जहण्णेणं अनंते भावे जाणइ पासइ उक्कोसेण वि अनंते भावे जाणइ पासइ सव्वभावाणमनंतभागं जाणइ पासइ 19६1-18

(७८) ओही भवपद्दइओ गुणपद्दइओ य घण्णिओ एस्सो

तस्स य बहू विगप्पा दव्वे खेतै य काले य 11५६11-56

(७९) नेरइयदेवतित्यंकरा य ओहिस्सबाहिरा हुंति

पासंति सव्वओ खलु सेसा देसेण पासंति 11५७11-57

(८०) सेतं ओहिनाणं पद्दक्खं 19७-91-17.1

(८१) से किं तं मणपज्जवनाणं मणपज्जवनाणे णं षंते किं मणुस्साणं उप्पज्जइ अमणुस्साणं

गोयमा मणुस्साणं नो अमणुस्साणं जइ मणुस्साणं-किं समुच्छिममणुस्साणं गब्भवक्कंतिय-मणुस्साणं गोयमा नो समुच्छिममणुस्साणं गब्भवक्कंतियमणुस्साणं जइ गब्भवक्कंतिय-मणुस्साणं-किं कम्मभूमिय-गब्भवक्कंतियमणुस्साणं अकम्मभूमिय-गब्भवक्कंतियमणुस्साणं अंतरदीवग-गब्भवक्कंतियमणुस्साणं गोयमा कम्मभूमिय-गब्भवक्कंतियमणुस्साणं नो अकम्म-भूमिय-गब्भवक्कंतिय-मणुस्साणं नो अंतरदीवग-गब्भवक्कंतियमणुस्साणं जइ कम्मभूमिय-गब्भवक्कंतियमणुस्साणं-किं संखेज्जवासाउय-कम्मभूमिय-गब्भवक्कंतियमणुस्साणं असंखेज्ज-वासाउय-कम्मभूमिय-गब्भवक्कंतियमणुस्साणं गोयमा संखेज्जवासाउय-कम्मभूमिय-गब्भवक्क-तियमणुस्साणं गोयमा संखेज्जवासाउय-कम्मभूमिय-गब्भवक्कंतियमणुस्साणं नो असंखेज्जवासाउय-कम्मभूमिय-गब्भवक्कंतियमणुस्साणं जइ संखेज्जवासाउय-कम्मभूमिय-गब्भवक्कंतियमणुस्सा-णं-किं पज्जतग-संखेज्जवासाउय-कम्मभूमिय-गब्भवक्कंतियमणुस्साणं अपज्जतग-संखेज्जवासा-उय-कम्मभूमिय-गब्भवक्कंतियमणुस्साणं गोयमा पज्जतग-संखेज्जवासाउय-कम्मभूमिय-गब्भ-क्कंतिय-मणुस्साणं नो अपज्जतग-संखेज्जवासाउय-कम्मभूमिय-गब्भवक्कंतियमणुस्साणं जइ पज्जतग-संखेज्जवासाउय-कम्मभूमिय-गब्भवक्कंतियमणुस्साणं-किं सम्मदिट्ठि-पज्जतग-संखेज्ज-वासाउय-कम्मभूमिय-गब्भवक्कंतियमणुस्साणं सम्मदिट्ठि-पज्जतग-संखेज्जवासाउय-कम्म-भूमिय-गब्भवक्कंतियमणुस्साणं गोयमा सम्मदिट्ठि-पज्जतग-संखेज्जवासाउय-कम्मभूमिय-गब्भ-क्कंतियमणुस्साणं नो मिच्छदिट्ठि-पज्जतग-संखेज्जवासाउय-कम्मभूमिय-गब्भवक्कंतियमणुस्साणं नो सम्मदिट्ठि-पज्जतग-संखेज्जवासाउय-कम्मभूमिय-गब्भवक्कंतियमणुस्साणं जइ सम्म-दिट्ठि-पज्जतग-संखेज्जवासाउय-कम्मभूमिय-गब्भवक्कंतियमणुस्साणं-किं संजय-सम्मदिट्ठि-पज्ज-तग-संखेज्जवासाउय-कम्मभूमिय-गब्भवक्कंतियमणुस्साणं असंजय-सम्मदिट्ठि-पज्जतग-संखेज्ज-वासाउय-कम्मभूमिय-गब्भवक्कंतियमणुस्साणं संजयासंजय-सम्मदिट्ठि-पज्जतग-संखेज्जवासा-उय-कम्मभूमिय-गब्भवक्कंतिय-मणुस्साणं गोयमा संजय-सम्मदिट्ठि-पज्जतग-संखेज्जवासाउय-कम्मभूमिय-गब्भवक्कंतिय-मणुस्साणं नो असंजय-सम्मदिट्ठि-पज्जतग-संखेज्जवासाउय-कम्म-

भूमिय-गम्भवक्कंतियमणुस्साणं नो संजयासंजय-सम्मदिट्ठि-पञ्जतग-संखेअवासाउय-कम्म-
 भूमिय-गम्भ- वक्कंतियमणुस्साणं जइ संजय-सम्मदिट्ठि-पञ्जतग-संखेअवासाउय-कम्मभूमिय-
 गम्भवक्कंतियमणुस्साणं-किं पमतसंजय-सम्मदिट्ठि-पञ्जतग-संखेअवासाउय-कम्मभूमिय-गम्भ-
 वक्कंतियमणुस्साणं अपमतसंजय-सम्मदिट्ठि-पञ्जतग-संखेअवासाउय-कम्मभूमिय-गम्भवक्कं-
 तियमणुस्साणं गोयमा अपमतसंजय-सम्मदिट्ठि-पञ्जतग-संखेअवासाउय-कम्मभूमिय-गम्भ-
 वक्कंतियमणुस्साणं नो पमतसंजय-सम्मदिट्ठि-पञ्जतग-संखेअवासाउय-कम्मभूमिय-गम्भवक्कं-
 तियमणुस्साणं जइ अपमतसंजय - सम्मदिट्ठि - पञ्जतग - संखेअवासाउय-कम्मभूमिय-गम्भ-
 वक्कंतियमणुस्साणं-किं इड्ढिपत्त - अपमतसंजय - सम्मदिट्ठि-पञ्जतग-संखेअवासाउय-कम्म-
 भूमिय-गम्भवक्कंतियमणुस्साणं अणिड्ढिपत्त-अपमतसंजय-सम्मदिट्ठि-पञ्जतग-संखेअवासा-
 उय-कम्मभूमिय-गम्भवक्कं- तियमणुस्साणं गोयमा इड्ढिपत्त-अपमतसंजय-सम्मदिट्ठि-पञ्जतग-
 संखेअवासाउय-कम्मभूमिय-गम्भवक्कंतियमणुस्साणं मणपञ्जवनाणं समुपञ्जइ ११७।-१७

(८२) तं च दुविहं उप्पञ्जइ तं जहा-उज्जुमई य विउलमई य तं समासओ चउव्विहं पन्नत्तं तं
 जहा-दव्वओ खेतओ कालओ भावओ तत्थ दव्वओ णं उज्जुमई अनन्ते अनंतपएसिए खंघे जाणइ
 पासइ ते चेव विउलमई अब्भहियतराए विउलतराए विसुद्धतराए वितिमिरतराए जाणइ पासइ
 खेतओ णं उज्जुमई अहे जाय इमीसे रयणप्पमाए पुढवीए उवरिमहेड्डिल्ले खुहागपयो उड्ढं जाव
 जोइसस्स उवरिमत्ते तिरियं जाव अंतोमणुस्सखेत्ते अइदाइअेसु दीवसमुदेसु पन्नरससु कम्मभूमीसु
 तीसाए अकम्मभूमीसु छप्पणए अंतरदीवगेसु सण्णीणं पंचेदियाणं पञ्जत्ताणं मणोणए भावे
 जाणइ पासइ तं चेव विउलमई अइदाइअेहिमंगुलेहिं अब्भहियतरं विउलतरं विसुद्धतरं
 वितिमिरतरं खेतं जाणइ पासइ कालओ णं उज्जुमई जहन्नेणं पल्लिओवमस्स असंखिअयभागं
 उक्कोसेण वि पल्लिओवमस्स असंखिअयभागं अतीयमणागयं वा कालं जाणइ पासइ तं चेव
 विउलमई अब्भहियतराणं विउलतराणं विसुद्धतराणं वितिमिरतराणं जाणइ पासइ भावओ णं
 उज्जुमई अनन्ते भावे जाणइ पासइ सव्वभावाणं अनंतभागं जाणइ पासइ तं चेव विउलमई
 अब्भहियतराणं विउलतराणं विसुद्धतराणं वितिमिरतराणं जाणइ पासइ ११८-१।१८.१

* (८३) मणपञ्जवनार्ण पुण जणमणपरिचिंतियत्यपागडणं

माणुसखेतनिबद्धं गुणपञ्चइयं घरित्तवओ

॥५८॥१८-१८

(८४) सेत्तं मणपञ्जवनार्ण ११८।१८

(८५) से किं तं केवलनाणं केवलनाणं दुविहं पन्नत्तं तं जहा-भवत्यकेवलनाणं च सिद्ध
 केवलनाणं च से किं तं भवत्यकेवलनाणं, भवत्यकेवलनाणं दुविहं पन्नत्तं तं जहा-सजोगि-
 भवत्यकेवलनाणं च अजोगिभवत्यकेवलनाणं च से किं तं सजोगिभवत्यकेवलनाणं सजोगि-
 भवत्यकेवलनाणं दुविहं पन्नत्तं तं जहा-पढमसमयसजोगिभवत्यकेवलनाणं च अपढमसमय-
 सजोगिभवत्यकेवलनाणं च अहवा-चरमसमयसजोगिभवत्यकेवलनाणं च अचरमसमयसजोगि-
 भवत्यकेवलनाणं च सेत्तं सजोगिभवत्यकेवलनाणं, से किं तं अजोगिभवत्यकेवलनाणं अजोगि-
 भवत्यकेवलनाणं दुविहं पन्नत्तं तं जहा-पढमसमयअजोगिभवत्यकेवलनाणं च अपढमसमयअजो-
 गिभवत्यकेवलनाणं च अहवा-चरमसमयअजोगिभवत्यकेवलनाणं च अचरमसमयअजोगि-
 भवत्यकेवलनाणं च सेत्तं अजोगिभवत्यकेवलनाणं ११९।-१७

(८१) से किं तं सिद्धकेवलनाणं सिद्धकेवलनाणं दुविहं पत्रत्तं तं जहा-अनंतरसिद्ध-केवलनाणं च परंपरसिद्धकेवलनाणं च ।२०।-२०

(८७) से किं तं अनंतरं सिद्धकेवलनाणं, अनंतरसिद्धकेवलनाणं पत्ररसविहं पत्रत्तं तं जहा-तित्यसिद्धा अतित्यसिद्धा तित्यपरसिद्धा अतित्यपरसिद्धा सयंबुद्धसिद्धा पतेयबुद्धसिद्धा बुद्धबोहियसिद्धा इत्थिलिंगसिद्धा पुरिसलिंगसिद्धा नपुंसगलिंगसिद्धा सलिंगसिद्धा अन्नलिंग-सिद्धा गिशिलिंगसिद्धा एगसिद्धा अण्येगसिद्धा सेत्तं अनंतरसिद्धकेवलनाणं ।२१।-२१

(८८) से किं तं परंपरसिद्धकेवलनाणं, परंपरसिद्धकेवलनाणं अण्येगविहं पत्रत्तं तं जहा-अपदमसमयसिद्धा दुसमयसिद्धा तिसमयसिद्धा चउसमयसिद्धा जाव दससमयसिद्धा संखेज्ज-समयसिद्धा असंखेज्जसमयसिद्धा अनंतसमयसिद्धा सेत्तं परंपरसिद्धकेवलनाणं सेत्तं सिद्धके-वलनाणं ।२२।-२२

(८९) तं समासओ चउच्चिहं पत्रत्तं तं जहा-दब्बओ खेतओ कालओ भावओ तत्थ दब्बओ णं केवलनाणी सव्वदब्बाइं जाणइ पासइ खेतओ णं केवलनाणी सव्वं खेतं जाणइ पासइ कालओ णं केवलनाणी सव्वं कात्तं जाणइ पासइ भावओ णं केवलनाणी सव्वे भावे जाणइ पासइ

।२३।-१।-२३.१

(९०) अह सध्वदब्बपरिणाम-भाव-विष्णति-कारणमनंतं

सासयमप्यडिदाई एगविहं केवलं नाणं

।।५९।-५९

(९१) केवलनाणेणत्थे नाउं जे तत्थ पत्रवणजोगे

ते पासइ तित्ययोरो वइजोगे तयं हवइ सेत्तं

।।६०।-६०

(९२) सेत्तं केवलनाणं सेत्तं पच्चकखं ।२३।-२३

(९३) से किं तं परोकखं परोकखं दुविहं पत्रत्तं तं जहा-आभिणिबोहियनाणपरोकखं च

सुयनाणपरोकखं च जत्थाभिणिबोहियनाणं तत्थ सुयनाणं जत्थ सुयनाणं तत्थाभिणिबोहियनाणं दोथि एयाइं अण्णमण्णमण्णगयाइं तहवि पुण इत्थ आथरिया नाणत्तं पत्रवयंति-अभिनिबुज्जइ ति आभिणिबोहियं, सुणेइ ति सुयं, मइपुव्वं सुयं न मई सुयपुच्चिया ।२४।-२४

(९४) अविसेसिया मई-मई नाणं च मई अन्नाणं च विसेसिया-सम्मदिट्ठिस्स मई मइनाणं मिच्छदिट्ठिस्स मई मइअन्नाणं अविसेसियं सुयं-सुयनाणं च सुयअन्नाणं च विसेसियं-सम्मदिट्ठिस्स सुयं सुयनाणं मिच्छदिट्ठिस्स सुयं सुयअन्नाणं ।२५।-२५

(९५) से किं तं आभिणिबोहियनाणं आभिणिबोहियनाणं दुविहं पत्रत्तं तं जहा-सुयनि-स्सियं च असुयनिस्सियं च से किं तं असुयनिस्सियं असुयनिस्सियं चउच्चिहं पत्रत्तं तं०- ।२६।-२६

(९६) उप्पत्तिया वेणइया कम्मया पारिणामिया

बुद्धि चउच्चिहा वुत्ता पंचमा नोवलब्भई

।।६१।-६१

(९७) पुव्वमदिट्ठमसुयमवेइय-तक्खणविसुद्धगइयत्था

अव्वाहय-फलजोगा बुद्धी उप्पत्तिया नाम

।।६२।-६२

(९८) परहसिल पणिय रुक्खे खुहुग पड सरड काय उच्चारे

गय घयण गोल खंभे खुहुग मग्गि-त्थि-पइ पुत्ते

।।६३।-६३

(९९) भरहसिल मिढ कुक्कुड तिल बालुय हत्थि अगड वणसंढे

पायस अइया पत्ते छाव्वहिला पंचपिअरो य

।।६४।-६४

- (१००) महसित्य-मुद्दि-अंके य नाणए-मिक्खु-घेडगनिहाणे
सिक्खा य अत्यसत्ये इच्छा य महं सयसहस्से ॥६५॥-६६
- (१०१) भरनित्थरणसमत्था तिवग्गसुत्तत्थगहियपेयाला
उभओत्तोण फलवई विनयसमुत्था हवइ बुद्धी ॥६६॥-६६
- (१०२) निमित्ते अत्यसत्ये य लेहे गणिए य कूव-अस्से य
गहभ-त्तक्खण-गंठी अगए रहिए य गणिया य ॥६७॥-६७
- (१०३) सीया साडी दीहं च तणं अवसच्चयं च कुंचस्स
निच्चोदए य गोपे घोडगपडणं च रुक्खाओ ॥६८॥-६८
- (१०४) उवओगदिट्ठसारा कम्मपसंगपरिघोलण-विसाला
साहुक्कारफलवई कम्मसमुत्था हवइ बुद्धी ॥६९॥-६९
- (१०५) हेरणिणए करिसए कोलिय डोए य मुत्ति-घय-पवए
तुण्णाग वड्ढइ पूइए य घड-चित्तकारे य ॥७०॥-७०
- (१०६) अनुमान हेउ-दिट्ठत-साहिया वयविवाग-परिणामा
हियनिस्सेयसफलवई बुद्धी परिणामिया नाम ॥७१॥-७१
- (१०७) अमए सिद्धि-कुमारे देवी उदिओदए हवइ राया
साहू य नंदिसेणे धनदत्ते सावग-अमझे ॥७२॥-७२
- (१०८) खमए अमच्चपुत्ते चाणक्के चैव धूलभदे य
नासिक्क-सुंदरीनंदे वड्ढे परिणामिया बुद्धी ॥७३॥-७३
- (१०९) चलणाहण-आमंजे मणी य सपे य छग्नि-धूमिदे
परिणामियबुद्धीए एवमाई उदाहरणा ॥७४॥-७४

(११०) सेत्तं असुयनिस्सियं ॥२७-१॥-

(१११) से किं तं सुयनिस्सियं सुयनिस्सियं चउच्चिहं पन्नत्तं तं जहा-उग्गहे ईहा अवाओ

धारणा ॥२७॥-२६-२

(११२) से किं तं उग्गहे दुविहे पन्नत्ते तं जहा-अत्युग्गहे य वंजणुग्गहे य ॥२८॥-२७

(११३) से किं तं वंजणुग्गहे वंजणुग्गहे चउच्चिहं पन्नत्ते तं जहा-सोईदियवंजणुग्गहे
घाणिंदियवंजणुग्गहे जिब्बिंदियवंजणुग्गहे फासिंदियवंजणुग्गहे सेत्तं वंजणुग्गहे ॥२९॥-२८

(११४) से किं तं अत्युग्गहे अत्युग्गहे छच्चिहं पन्नत्ते तं जहा-सोईदियअत्युग्गहे
चक्खिंदियअत्युग्गहे घाणिंदियअत्युग्गहे जिब्बिंदियअत्युग्गहे फासिंदियअत्युग्गहे नोईदिय-
अत्युग्गहे ॥३०॥-२९

(११५) तस्स णं इमे एगद्धिया नाणाघोसा नाणावंजणा पंच नामधिज्जा भवति तं जहा-
ओगेण्हणया उवधारणया सवणया अवलंबणया मेहा सेत्तं उग्गहे ॥३१॥-३०

(११६) से किं तं ईहा, ईहा छच्चिहा पन्नत्ता तं जहा-सोईदियईहा चक्खिंदियईहा घाणि-
दियईहा जिब्बिंदियईहा फासिंदियईहा नोईदियईहा तीसेणं इमे एगद्धिया नाणाघोसा नाणावंजणा
पंच नामधिज्जा भवति तं जहा-आभोगणया मग्गणया गवेसण चिंता वीमंसा सेत्तं ईहा ॥३२॥-३१

(११७) से किं तं अवाए, अवाए छच्चिहं पन्नत्ते तं जहा-सोईदियअवाए चक्खिंदियअवाए
घाणिंदियअवाए जिब्बिंदियअवाए फासिंदियअवाए नोईदियअवाए तस्स णं इमे एगद्धिया

नाणाघोसा नाणावजणा पंच नामधिजा भवति तं जहा-आवड्ढणया पद्यावड्ढणया अवाए बुद्धी विण्णाणे सेत्तं अवाए ।३३।-३३

(११८) से किं तं धारणा धारणा छब्बिहा पन्नत्ता तं जहा-सोद्धंदियधारणा चक्खिदियधारणा घाणिदियधारणा जिक्खिदियधारणा नोद्धंदिय-धारणा तीसे णं इमे एगद्धिया नाणाघोसा नाणावजणा पंच नामधिजा भवति तं जहा-धारणा धारणा ठवणा पड्डहा कोट्टे सेत्तं धारणा ।३४।-३३

(११९) उगहे इक्कसामइए अंतोमुहुत्तिया ईहा अंतोमुहुत्तिए अवाए, धारणा संखेज्जं वा कालं असंखेज्जं वा कालं ।३५।-३४

(१२०) एवं अट्ठावीसइविहस्स आभिणिबोहियनाणस्स वंजणुग्गहस्स परुयणं करिस्सामि-पडिबोहगदिट्ठंतेण मल्लगदिट्ठंतेण च से किं तं पडिबोहगदिट्ठंतेण, पडिबोहगदिट्ठंतेण-से जहानामए केइ पुरिसे कंचि पुरिसं सुत्तं पडिबोहेज्जा-अमुगा अमुग ति तत्थ घोयगे पन्नवगं एवं वयासी-किं एगसमयपविट्ठा पुग्गला गहणमागच्छंति दुसमयपविट्ठा पुग्गला गहणमागच्छंति जाव दसस-पयपविट्ठा पुग्गला गहणमागच्छंति संखेज्जसमयपविट्ठा पुग्गला गहणमागच्छंति असंखेज्ज-समयपविट्ठा पुग्गला गहणमागच्छंति सेत्तं पडिबोहगदिट्ठंतेण, से किं तं मल्लगदिट्ठंतेण मल्लगदिट्ठंतेण-से जहानामए केइ पुरिसे आवागसीसाओ मल्लगं गहाय तत्थेगं उदगबिंदुं पक्खिविज्जा से नट्ठे अन्ने पक्खित्ते से वि नट्ठे एवं पक्खिप्पमाणेसु-पक्खिप्पमाणेसु होही से उदगबिंदू जेणं तं मल्लगं रावेहिति होही से उदगबिंदू जेणं तं मल्लगंसि ठाहिति होही से उदगबिंदू जेणं तं मल्लगं मरेहिति होही से उदगबिंदू जेणं तं मल्लगं पवाहेहिति एवामेव पक्खिप्पमाणेहिं-पक्खिप्पमाणेहिं अनंतेहिं पुग्गलेहिं जाहे तं वंजणं पूरियं होइ ताहे हुं ति करेइ नो चेव णं जाणइ के वेस सदाइ तओ ईहं पविसइ तओ जाणइ अमुगे एस सदाइ तओ अवायं पविसइ तओ से उवगयं हवइ तओ णं धारणं पविसइ तओ णं धारेइ संखेज्जं वा कालं असंखेज्जं वा कालं से जहानामए केइ पुरिसे अव्वत्तं सद्दं सुणिज्जा तेणं सद्दं ति उग्गहिए नो चेव णं जाणइ के वेस सदाइ तओ ईहं पविसइ तओ जाणइ अमुगे एस सद्दं तओ णं अवायं पविसइ तओ से उवगयं हवइ तओ धारणं पविसइ तओ णं धारेइ संखेज्जं वा कालं असंखेज्जं वा कालं से जहानामए केइ पुरिसे अव्वत्तं रूवं पासिजा तेणं रूवे ति उग्गहिए नो चेव णं जाणइ के वेस रूवे ति तओ ईहं पविसइ तओ जाणइ अमुगे एस रूवे तओ अवायं पविसइ तओ से उवगयं हवइ तओ धारणं पविसइ तओ णं धारेइ संखेज्जं वा कालं, असंखेज्जं वा कालं से जहानामए केइ पुरिसे अव्वत्तं गंधं अग्घाइजा तेणं गंधे ति उग्गहिए नो चेव णं जाणइ के वेस गंधे ति तओ ईहं पविसइ तओ जाणइ अमुगे एस गंधे तओ अवायं पविसइ तओ से उवगयं हवइ तओ धारणं पविसइ तओ णं धारेइ संखेज्जं वा कालं असंखेज्जं वा कालं से जहानामए केइ पुरिसे अव्वत्तं फासं पडिसंवेइजा तेणं फासे ति उग्गहिए नो चेव णं जाणइ के वेस फासे ति तओ ईहं पविसइ तओ जाणइ अमुगे एस फासे तओ अवायं पविसइ तओ से उवगयं हवइ तओ धारणं पविसइ तओ णं धारेइ संखेज्जं वा कालं असंखेज्जं वा कालं से जहानामए केइ पुरिसे अव्वत्तं सुमिणं पडिसंवेइजा तेणं सुमिणेत्ति उग्गहिए नो चेव णं जाणइ के वेस सुमिणे ति तओ ईहं पविसइ तओ

जाणइ अमुगे एस सुमिणे तओ अवायं पविसइ तओ से उवगयं हयइ तओ धारणं पविसइ तओ णं धारेइ संखेअं वा कालं असंखेअं वा कालं सेतं मल्लगदिहुंतेणं ।३६।-३७

(१२१) तं समासओ चउव्विहं पत्रत्तं तं जहा- दव्वओ खेतओ कालओ भावओ तत्थ दव्वओ णं आभिणिबोहियनाणी आएसेणं सव्वदव्व्याइं जाणइ न पासइ खेतओ णं आभिणिबोहियनाणी आएसेणं सव्वं खेतं जाणइ न पासइ कालओ णं आभिणिबोहियनाणी आएसेणं सव्वं कालं जाणइ न पासइ भावओ णं आभिणिबोहियनाणी आएसेणं सव्वे भावे जाणइ न पासइ ।३७-१।-३७.१

(१२२) उग्गह ईहावाओ य धारणा एव हुंति चत्तारि
आभिणिबोहियनाणस्स भेयवत्थू समासेणं ११५१-७५

(१२३) अत्याणं उग्गहणं च उग्गह तह वियालणं इहं
वदसायं च अवायं धरणं पुण धारणं विति ११६१-७६

(१२४) उग्गह इक्कं समयं ईहावाया मुहुत्तमद्धं तु
कालमसंखं संखं च धारणा होइ नायव्या ११७१-७७

(१२५) पुट्टं सुणेइ सइं रूयं पुण पासइ अपुट्टं तु
गंधं रसं च फासं च बद्धपुट्टं वियागरे ११८१-७८

(१२६) भासासमसेदीओ सइं जं सुणइ मीसयं सुणइ
वीसेदी पुण सइं सुणेइ नियमा पराघाए ११९१-७९

(१२७) ईहा अपोह वीमंसा मग्गणा य गवेसणा
सण्णा सईं मईं पत्रा सव्वं आभिणिबोहियं १२०१-८०

(१२८) सेतं आभिणिबोहियनाणपरोक्खं ।३७।-३७

(१२९) से किं तं सुयनाणपरोक्खं सुयनाणपरोक्खं चौइसविहं पत्रत्तं तं जहा-अक्खरसुयं अणक्खरसुयं सण्णिसुयं असण्णिसुयं सम्मसुयं मिच्छसुयं साइयं अणाइयं सपञ्चयसियं अपञ्चवसियं गमियं अगमियं अंगपविट्ठं अनंगपविट्ठं ।३८।-३७

(१३०) से किं तं अक्खरसुयं अक्खरसुयं तिविहं पत्रत्तं तं जहा सण्णक्खरं वंजणक्खरं लद्धिअक्खरं, से किं तं सण्णक्खरं सण्णक्खरं-अक्खरस्स संटाणागिइ सेतं सण्णक्खरं से किं तं वंजणक्खरं वंजणक्खरं-अक्खरस्स वंजणाभिलायो सेतं वंजणक्खरं से किं तं लद्धिअक्खरं लद्धिअक्खरं-अक्खरलद्धियस्स लद्धिअक्खरं समुप्पअइ तं जहा-सोइंदियलद्धिअक्खरं षक्खि-दियलद्धिअक्खरं घाणिदियलद्धिअक्खरं रसणिदियलद्धिअक्खरं फासिंदियलद्धिअक्खरं नोइंदि-यलद्धिअक्खरं सेतं लद्धिअक्खरं सेतं अक्खरसुयं से किं तं अणक्खरसुयं अणक्खरसुयं अणेगविहं पत्रत्तं [तं जहा]- ।३९-१।-३८.१

(१३१) ऊससियं नीससियं निच्छूदं खासियं च छीयं च
निरिसिधियमणुसारं अणक्खरं छेलियाईयं १२११

(१३२) सेतं अणक्खरसुयं ।३९।-३८

(१३३) से किं तं सण्णिसुयं, सण्णिसुयं तिविहं पत्रत्तं तं जहा-कालिओवएसेणं रेऊवएसेणं दिट्ठिवाओवएसेणं से किं तं कालिओवएसेणं कालिओवएसेणं-जस्स णं अत्थि ईहा अपोहो मग्गणा गवेसणा चिंता वीमंसा-से णं सण्णीति लब्धइ जस्स णं नत्थि ईहा अपोहो मग्गणा गवेसणा चिंता

वीमंसा-से षं असण्णीति लब्धइ सेतं कालिओवएसेणं, से किं तं हेऊवएसेणं हेऊवएसेणं-जस्स णं अत्थि अभिसंधारणपुब्बिया कारणसत्ती-से षं सण्णीति लब्धइ जस्स णं नत्थि अभिसंधारणपुब्बिया कारणसत्ती-से षं असण्णीति लब्धइ सेतं हेऊवएसेणं, से किं तं दिट्ठिवाओवएसेणं दिट्ठिवाओवएसेणं-सण्णिसुयस्स खओवसमेणं सण्णी ति लब्धइ असण्णिसुयस्स खओवसमेणं असण्णी ति लब्धइ सेतं दिट्ठिवाओवएसेणं सेतं सण्णिसुयं सेतं असण्णिसुयं ।४०।-३७

(११४) से किं तं सम्मसुयं सम्मसुयं जं इमं अरहंतेहिं भगवतेहिं उप्पन्ननाणदंसणधरेहिं तेलोककचहिय-महिय-पुइएहिं तीय-पहुप्पन्नमणागयजाणएहिं सखन्नूहिं सव्वदरिसीहिं पणीयं दुवालसंगं गणिपिडगं तं जहा-आयारो सुयगडो ठाणं समवाओ विवाहपत्तरी नायाधम्मकहाओ उवासगदसाओ अंतगडदसाओ अनुत्तरोववाइयदसाओ पण्हायागरणाइं विवागसुयं दिट्ठिवाओ इधेयं दुवालसंगं गणिपिडगं चोइसपुब्बिस्स सम्मसुयं अभिन्नदसपुब्बिस्स सम्मसुयं तेणं परं पिण्णोसु मयणा सेतं सम्मसुयं ।४१।-४०

(११५) से किं तं मिच्छसुयं मिच्छसुयं-जं इमं अन्नाणिएहिं सचंन्दबुद्धिमइ-विगमियं तं जहा-भारहं रामायणं भीमासुरुतं कौडिअयं सगभइयाओ-घोडमुहं कप्पासियं नागसुहुमं कणग-सत्तरी बइसेसियं बुद्धवयणं वेसियं काविलं लोगाययं सट्ठितं माहुरं पुराणं वागरणं नाडगादी अहवा-भावत्तरिकलाओ घत्तारि य वेया संगोवंगा एयाइं मिच्छंदिट्ठिस्स मिच्छत्त-परिगहियाइं मिच्छसुयं [एयाइं वेय सम्मदिट्ठिस्स सम्मत्त-परिगहियाइं सम्मसुयं] अहवा-मिच्छदिट्ठिस्स वि एयाइं चेव सम्मसुयं, कन्हा, सम्मत्तहेउत्तणओ जन्हा ते मिच्छदिट्ठिया तेहिं वेय सनएहिं चोइया समाणा केइ सपक्खदिट्ठीओ चयंति सेतं मिच्छसुयं ।४२।-४१

(११६) से किं तं साइयं सपज्जवसियं अणाइयं अपज्जवसियं च इधेयं दुवालसंगं गणिपिडगं-वुच्छित्तिनयट्ठयाए साइयं सपज्जवसियं अदुच्छित्तिनयट्ठयाए अणाइयं अपज्जवसियं तं समासओ घउव्विहं पत्तंतं तं जहा-द्व्यओ खेतओ कालओ भावओ तत्थ द्व्यओ णं सम्मसुयं एणं पुरिसं पडुअ साइयं सपज्जवसियं बह्वे पुरिसे य पडुअ अणाइयं अपज्जवसियं खेतओ णं-पंचभरहाइं पंचएवयाइं पडुअ साइयं सपज्जवसियं पंच महाविदेहाइं पडुअ अणाइयं अपज्जवसियं कालओ णं-ओसप्पिणि उस्तप्पिणि च पडुअ साइयं सपज्जवसियं नोओसप्पिणि नोउस्तप्पिणि च पडुअ अणाइयं अपज्जवसियं भावओ णं - जे जया जिनपत्तता भावा आघविअंति पत्तविअंति पस्वविअंति दंसिअंति निदंसिअंति उवदंसिअंति ते तया पडुअ साइयं सपज्जवसियं खाओवसमियं पुणं भावं पडुअ अणाइयं अपज्जवसियं अहवा-भवसिद्धियस्स सुयं साइयं सपज्जवसियं अभवसिद्धियस्स सुयं अणाइयं अपज्जवसियं सब्वागासपएसणं सब्वागासपएसेहिं अनंतगुणियं पज्जवगकखरं निम्फअइं सव्वजीवाणं पि य णं-अक्खरस्स अनंतभागो निधुग्घाडिओ जइ पुण सो वि आवरिअ तेणं जीवो अजीवत्तं पाविआ सुडुवि मेहसमुदए होइ पमा चंदसूराणं सेतं साइयं सपज्जवसियं सेतं अणाइयं अपज्जवसियं ।४३।-४२

(११७) से किं तं गमियं से किं तं अगमियं गमियं दिट्ठिवाओ अगमियं कालियं सुयं सेतं गमियं सेतं अगमियं तं समासओ दुविहं पत्तंतं तं जहा-अंगपविट्ठं अंगबाहिरं च से किं तं अंगबाहिरं अंगबाहिरं दुविहं पत्तंतं तं जहा-आवस्सयं च आवस्सयवइरितं घ से किं तं आवस्सयं आवस्सयं छव्विहं पत्तंतं तं जहा-सामाइयं चउवीसत्थओ घंदणयं पडिक्कमणं काउस्सगो पच्चक्खाणं सेतं

आवस्सयं से किं तं आवस्सयवइरित्तं आवस्सयवइरित्तं दुविहं पत्रत्तं तं जहा-कालियं च उक्कालियं च से किं तं उक्कालियं उक्कालियं अणेगविहं पत्रत्तं तं जहा-दसवेयालियं कप्पियाकप्पियं दुल्लकप्पसुयं महाकप्पसुयं ओवाइयं रायपसेणियं जीया-जीवभिग्गे पत्रवणा महापत्रवणा पमायप्पमायं नंदी अनुओगदाराइं देविंदत्थओ तंदुलवेयालियं चंदावेण्णयं सूरपत्रत्ती [चंद पन्नत्ती ?] पोरिसिमंडलं मंडलपवेसो विज्जाचरणविणिच्छओ गणिविज्जा झाणविभत्ती मरण-विभत्ती आयविसोही मरणविसोही वीयरागसुयं संलेहणासुयं विहारकप्पो चरणविही आउर-पच्चखाणं महापच्चखाणं एवमाइ सेत्तं उक्कालियं, से किं तं कालियं कालियं अणेगविहं पत्रत्तं तं जहा-उत्तरञ्जयणाइं दसाओ कप्पो ववहारो निसीहं महानिसीहं इसिमासियाइं जंबुदीवपत्रत्ती दीवसागरपत्रत्ती चंदपत्रत्ती खुड्डियाविमाणपदिभत्ती महस्त्रियाविमाणपदिभत्ती अंगचूलिया वग्ग-चूलिया विवाहचूलिया अरुणोववाए वरुणोववाए गरुलोववाए धरणोववाए देसमणोववाए वेत्तंधरोववाए देविंदोववाए उट्टाणसुयं समुट्टाणसुयं नागपरियावणियाओ निरयावलियाओ [कप्पियाओ] कप्पवडंसियाओ पुफ्फियाओ पुफ्फचूलियाओ वण्हिदसाओ एवमाइयाइं, घउरासीइं पइण्णसहस्साइं भगवओ अरहओ उसहसामिस्स आइतित्थयरस्स तथा संखिज्जाइं पइण्णग-सहस्साइं मज्झिमगाणं जिणवरारं चोइस पइण्णगसहस्साणि भगवओ वद्धमाणसामिस्स अहवा-जस्स जत्तिया सीसा उप्पत्तियाए थेणइयाए कम्मयाए पारिणामियाए- घउज्झिहाए बुद्धीए उववेया तस्स तत्तियाइं पइण्णगसहस्साइं पत्तेयबुद्धावि तत्तिया चेव सेत्तं कालियं सेत्तं आवस्सयवइरित्तं सेत्तं अंगपविट्ठं । ४४।-४३

(१३८) से किं तं अंगपविट्ठं अंगपविट्ठं दुवालसविहं पत्रत्तं तं जहा-आयारो सूयगहो ठाणं समवाओ विवाहपत्रत्ती नायापम्मकहाओ उवासगदसाओ अंतगहदसाओ अनुत्तरोदयाइय-दसाओ पण्हावागरणाइं विवागसुयं दिट्ठिवाओ । ४५।-४४

(१३९) से किं तं आयारे णं समणाणं निग्गंथाणं आयार-गोयार-विणय-वेणइय-सिक्खा-भासा-अभासा-चरण-करण-जाया-भाया-वित्तीओ आघविज्जंति से समासओ पंचविहे पत्रत्ते तं जहा-नाणायारे दंसणायारे चरित्तायारे तवायारे वीरियायारे आयारे णं परिता वायणा संखेज्जा अनुओगदारा संखेज्जा वेढा संखेज्जा सिलोगा संखेज्जाओ निज्जुत्तीओ संखेज्जाओ पडिबत्तीओ से णं अंगइयाए पट्टमे अंगे दो सुयकळंधा पणवीसं अज्जयणा पंचासीइं उट्टेसणकाला पंचासीइं समुट्टेसणकाला अट्टारसपयसहस्साणि पयग्गेणं संखेज्जा अक्खरा अनंताग्गमा अनंतापञ्चवा परितातसा अनंताथावरा सासय-कड-निबद्ध-निकाइया जिनपत्रत्ता भावा आघविज्जंति पत्र-विज्जंति पस्वविज्जंति दंसिज्जंति निर्दंसिज्जंति से एवं आया एवं नाया एवं दिण्णाया एवं धरण-करण-परुवणा आघविज्जइ सेत्तं आयारे । ४६।-४६

(१४०) से किं तं सूयगडे सूयगडे णं लोए सूइज्जइ अलोए सूइज्जइ लोयालोए सूइज्जइ जीवा सूइज्जंति अजीवा सूइज्जंति जीवाजीवा सूइज्जंति ससमए सूइज्जइ परसमए सूइज्जइ ससमय-परसमए सूइज्जइ सूयगडे णं आसीयस्स किरियावाइ-सयस्स चउरासीइए अकिरियावाइर्णं सत्ताहीए अन्नाणियवाइर्णं बत्तीसाए वेणइयवाइर्णं-तिण्हं तेसट्ठारं पावादुय-सयाणं यूहं किट्ठा ससमए ठाविज्जइ सूयगडे णं परिता वायणा संखेज्जा अनुओगारा संखेज्जा वेढा संखेज्जा सिलोगा संखेज्जाओनिज्जुत्तीओ संखेज्जाओपडिबत्तीओ से णं अंगइयाए बिइए अंगे दो सुयकळंधा तेदीसं

अञ्जयणा तेतीसं उद्देसणकाला तेतीसं समुद्देसणकाला छतीसं पयसहस्साणि पयगेणं संखेज्जा अक्खरा अनंतागमा अनंतापज्जवा परित्तातसा अनंतायावरा सासय-कड-निबद्ध-निकाइया जिनपन्नता भावा आघविज्जति पन्नविज्जति परुविज्जति दंसिज्जति निदंसिज्जति उवदंसिज्जति से एवं आया एवं नाया एवं विण्णाया एवं चरण-करण-परुवणा आघविज्जइ सेतं सुयगडे 1४७1-48

(१४१) से किं तं ठाणे ठाणे णं जीवा ठाविज्जति अजीवा ठाविज्जति जीवाजीवा ठाविज्जति ससमए ठाविज्जइ परसमए ठाविज्जइ ससमय-परसमए ठाविज्जइ लोए ठाविज्जइ अलोए ठाविज्जइ लोयालोए ठाविज्जइ ठाणे णं टंका कूडा सेला सिहारिणो पब्भारा कुंडाई गुहाओ आगरा दहा नईओ आघविज्जति ठाणे णं एगाइयाए एगुतरियाए बुइडीए दसझापग-विबड्ढियणं भावाणं परुवणा आघविज्जइ ठाणे णं परित्ता वायणा संखेज्जा अनुओगदारा संखेज्जा वेढा संखेज्जा सिलोगा संखेज्जाओ निज्जुतीओ संखेज्जाओ संगहणीओ संखेज्जाओ पडिक्तीओ से णं अंगट्टयाए तइए अंगे एगे सुयक्खंधे दस अञ्जयणा एगवीसं उद्देसणकाला एगवीसं समुद्देसणकाला बावत्तरिं पयसहस्साइं पयगेणं संखेज्जा अक्खरा अनंतागमा अनंतापज्जवा परित्तातसा अनंतायावरा सासय-कड-निबद्ध-निकाइया जिनपन्नता भावा आघविज्जति पन्नविज्जति परुविज्जति दंसिज्जति निदंसिज्जति उवदंसिज्जति से एवं आया एवं नाया एवं विण्णाया एवं चरण-करण-परुवणा आघविज्जइ सेतं ठाणे 1४८1-47

(१४२) से किं तं समवाए समवाए णं जीवा समसिज्जति अजीवा समासिज्जति जीवाजीवा समासिज्जति ससमए समासिज्जइ परसमए समासिज्जइ ससमयपरसमए समासिज्जइ लोए समासिज्जइ अलोए समासिज्जइ लोयालोए समासिज्जइ समवाए णं एगाइयाणं एगुतरियाणं ठाणसय-विबड्ढियणं भावाणं परुवणा आघविज्जइ दुवालस विहस्स य गणिपिडगस्स पल्लवगे समासिज्जइ समवायस्स णं परित्ता वायणा संखेज्जा अनुओगदारा संखेज्जा वेढा संखेज्जा सिलोगा संखेज्जाओ निज्जुतीओ संखेज्जाओ संगहणीओ संखेज्जाओ पडिक्तीओ से णं अंगट्टयाए चउट्ये अंगे एगे सुयक्खंधे एगे अञ्जयणे एगे उद्देसणकाले एगे समुद्देसणकाले एगे चोयाले पयसयसहस्से पयगेणं संखेज्जाअक्खरा अनंतागमा अनंतापज्जवा परित्तातसा अनंतायावरा सासय-कड-निबद्ध-निकाइया जिनपन्नता भावा आघविज्जति पन्नविज्जति परुविज्जति दंसिज्जति निदंसिज्जति उवदंसिज्जति से एवं आया एवं नाया एवं विण्णाया एवं चरण-करण-परुवणा आघविज्जइ सेतं समवाए 1४९1-48

(१४३) से किं तं विवाहे, विवाहे णं जीवा विआहिज्जति अजीवा विआहिज्जति जीवाजीवा विआहिज्जति ससमए विआहिज्जति परसमए विआहिज्जति ससमय-परसमए विआहिज्जति लोए विआहिज्जति अलोए विआहिज्जति लोयालोए विआहिज्जति विवाहस्स णं परित्ता वायणा संखेज्जा अनुओगदारा संखेज्जावेढा संखेज्जासिलोगा संखेज्जाओनिज्जुतीओ संखेज्जाओसंगहणीओ संखेज्जाओ पडिक्तीओ से णं अंगट्टयाए पंचमे अंगे एगे सुयक्खंधे एगे साइरेगे अञ्जयणसए दस उद्देसणसहस्साइं दस समुद्देसणसहस्साइं छतीसं वागरणसहस्साइं दो लक्ख्खा अट्ठासीइं पयसहस्साइं पयगेणं संखेज्जाअक्खरा अनंतागमा अनंतापज्जवा परित्तातसा अनंतायावरा सासय-कड-निबद्ध-निकाइया जिनपन्नता भावा आघविज्जति पन्नविज्जति परुविज्जति दंसिज्जति निदंसिज्जति उवदंसिज्जति से एवं आया एवं नाया एवं विण्णाया एवं चरण-करण-परुवणा आघविज्जइ सेतं

विधाहे १५०१-४९

(१४४) से किं तं नायाधम्मकहाओ नायाधम्मकहासु णं नायाणं नगराईं उज्जाणाईं चेइयाईं वणसंडाईं समोसरणाईं रायाणो अम्मापियरो धम्मायरिया धम्मकहाओ इहलोइय-परलोइया इडिद्विसेसा भोगपरिद्याया पव्वजाओ परिआया सुयपरिग्गहा तवोवहाणाईं संलेहणाओ भत्तपच्चक्खाणाईं पाओवगमणाईं देवलोगगमणाईं सुकुलपच्चायाईंओ पुणबोहिलामा अंतकिरियाओ य आघविज्जंति दस धम्मकहाणं वग्गा तत्थणं एगमेगाए धम्मकहाए पंचं पंच अक्खाइयासयाईं एगमेगाए अक्खाइयाए पंच पंच उक्खाइयासयाईं एगमेगाए उक्खाइयाए पंच पंच अक्खाइओक्खाइयासयाईं-एवमेव सपुच्चावरेणं अद्दुआओ क्हाणगकोडीओ हवंति ति मक्खायं नायाधम्मकहाणं परित्ता वायणा संखेजा अनुओगादारा संखेजावेदा संखेजासिलोगा संखेजाओनिज्जुत्तीओ संखेजाओसंगहणीओ संखेजाओपडिवत्तीओ से णं अंगइयाए छट्ठे अंगे दो सुयक्खंधा एगुणतीसं अज्जयणा एगुणतीसं उद्देसणकाला एगुणतीसं समुद्देसणकाला संखेजाइं पयसहस्साईं पयग्गेणं संखेजाअक्खरा अनंतागमा अनंतापज्जवा परित्तातसा अनंता थावरा सासय-कड-निबद्ध-निकाइया जिनपन्नता भावा आघविज्जंति पप्रविज्जंति परूविज्जंति दंसिज्जंति निदंसिज्जंति उवदंसिज्जंति से एवं आया एवं नाया एवं विण्णाया एवं चरण-करण-परूवणा आघविज्जइं सेतं नायाधम्मकहाओ १५११-५०

(१४५) से किं तं उवासगदसाओ उवासगदसासु णं समणोवासगणं नगराईं उज्जाणाईं चेइयाईं वणसंडाईं समोसरणाईं रायाणो अम्मापियरो धम्मायरिया धम्मकहाओ इहलोइय-परलोइया इडिद्विसेसा भोगपरिद्याया परिआया सुयपरिग्गहा तवोवहाणाईं सीलव्वय-गुण-वेरमण-पच्चक्खाण-भोसहोववास-पडिवज्जणया पडिमाओ उवसग्गा संलेहणाओ भत्तपच्चक्खाणाईं पाओवगमणाईं देवलोगगमणाईं सुकुलपच्चायाईंओ पुण बोहिलामा अंतकिरियाओ य आघविज्जंति उवासगदसाणं परित्तावायणा संखेजाअनुओगादारा संखेजावेदा संखेजासिलोगा संखेजाओनिज्जुत्तीओ संखेजाओसंगहणीओ संखेजाओपडिवत्तीओ से णं अंगइयाए सत्तमे अंगे एगे सुयक्खंधे दस अज्जयणा दस उद्देसणकाला दस समुद्देसणकाला संखेजाईं पयसहस्साईं पयग्गेणं संखेजाअक्खरा अनंतागमा अनंतापज्जवा परित्तातसा अनंताथावर सासय-कड-निबद्ध-निकाइया जिनपन्नता भावा आघविज्जंति पप्रविज्जंति परूविज्जंति दंसिज्जंति निदंसिज्जंति उवदंसिज्जंति से एवं आया एवं नाया एवं विण्णाया एवं चरण-करण-परूवणा आघविज्जइं सेतं उवासगदसाओ १५२१-५१

(१४६) से किं तं अंतगडदसाओ अंतगडदसासु णं अंतगडणं नगराईं उज्जाणाईं चेइयाईं वणसंडाईं समोसरणाईं रायाणो अम्मापियरो धम्मायरिया धम्मकहाओ इहलोइय-परलोइया इडिद्विसेसा भोगपरिद्याया पव्वजाओ परिआया सुयपरिग्गहा तवोवहाणाईं संलेहणाओ भत्तपच्चक्खाणाईं पाओवगमणाईं अंतकिरियाओ य आघविज्जंति अंतगडदसाणं परित्तावायणा संखेजाअनुओगादारा संखेजावेदा संखेजासिलोगा संखेजाओनिज्जुत्तीओ संखेजाओसंगहणीओ संखेजाओपडिवत्तीओ से णं अंगइयाए अद्दुमे अंगे एगे सुयक्खंधे अद्दुवग्गा अद्दु उद्देसणकाला अद्दु समुद्देसणकाला संखेजाईं पयसहस्साईं पयग्गेणं संखेजाअक्खरा अनंतागमा अनंता पज्जवा परित्तातसा अनंताथावरा सासय-कड-निबद्ध-निकाइया जिनपन्नता भावा आघविज्जंति

पत्रविज्रंति परुविज्रंति दंसिज्रंति निदंसिज्रंति उवदंसिज्रंति से एवं आया एवं नाया एवं विण्णाया एवं चरण-करण-परुवणा आघविज्रइ सेत्तं अंतगडदसाओ १५३१-५२

(१४७) से किं तं अनुत्तरोववाइयदसाओ अनुत्तरोववाइयदसासु णं अनुत्तरोववायाणं नगराई उज्जाणाई चेइयाई यणसंडाई समोसरणाई रायाणो अम्मापियरो धम्मायरिया धम्मकहाओ इहलोइय-परलोइया इड्ढिविसेसा भोगपरिखाणा पव्वजाओ परिआगा सुयपरिगहा तवोवहाणाई पडिमाओ उवसग्गा संलेहणाओ भत्तपच्चक्खाणाई पाओवगमणाई अनुत्तरोववाइयत्ते उववत्ती सुकुलपच्चायाईओ पुणबोहिलाभा अंतिकिरियाओ य आघविज्रंति अनुत्तरोववाइयदसाणं परिता वायणा संखेज्जाअनुओगदारा संखेज्जावेदा संखेज्जासिलोगा संखेज्जाओनिज्जुत्तीओ संखेज्जाओ संगहणीओ संखेज्जाओपडिवत्तीओ से णं अंगट्टयाए नवमे अंगे एगे सुयक्खंधे तिण्णि यग्गा तिण्णि उहेसणकाला तिण्णिसमुहेसणकाला संखेज्जाई पयसहस्साई पयग्गेणं संखेज्जाअक्खरा अनंतागमा अनंतापज्जा परितातसा अनंतायावरा सासय-कड-निबद्ध-निकाइया जिनपत्रत्ता भावा आघ-विज्रंति पत्रविज्रंति परुविज्रंति दंसिज्रंति निदंसिज्रंति उवदंसिज्रंति से एवं आया एवं नाया एवं विण्णाया एवं चरण-करण-परुवणा आघविज्रइ सेत्तं अनुत्तरोववाइयदसाओ १५४१-५३

(१४८) से किं तं पण्हादागरणाई पण्हावागरणेसु णं अट्टतरं पसिणसयं अट्टतरं अपसिणसयं अट्टतरं पसिणापसिणसयं अन्ने य विचिता दिव्वा विज्जाइसया नागसुवण्णेहिं सड्ढि दिव्वा संवाया आघविज्रंति पण्हावागरणाणं परितावायणा संखेज्जाअनुओगदारा संखेज्जावेदा संखेज्जासिलोगा संखेज्जाओनिज्जुत्तीओ संखेज्जाओसंगहणीओ संखेज्जाओ पडिवत्तीओ से णं अंगट्टयाए दसमे अंगे एगे सुयक्खंधे पणयालीसं अज्झयणा पणयालीसं उहेसणकाला पणयालीसं समुहेसणकाला संखेज्जाई पयसहस्साई पयग्गेणं संखेज्जाअक्खरा अनंतागमा अनंतापज्जा परिता-तसा अनंता थावरा सासय-कड-निबद्ध-निकाइया जिनपत्रत्ता भावा आघविज्रंति पत्रविज्रंति परुविज्रंति दंसिज्रंति निदंसिज्रंति उवदंसिज्रंति से एवं आया एवं नाया एवं विण्णाया एवं चरण-करण-परुवणा आघविज्रइ सेत्तं पण्हावागरणाई १५५१-५४

(१४९) से किं तं विवागसुयं विवागसुए णं सुकड-दुकूकडाणं कम्माणं फलविवागे आघविज्रइ-तत्थ णं दस दुहविवागा दस सुहविवागा से किं तं दुहविवागा दुहविवागेसु णं दुहविवागाणं नगराई उज्जाणाई यणसंडाई चेइयाई समोसरणाई रायाणो अम्मापियरो धम्मायरिया धम्मकहाओ इहलोइय-परलोइया रिद्धिविसेसा निरयगमणाई संसारभवपवंचा दुहपरंपराओ दुक्कूलपच्चायाईओ दुल्लहखोहिथत्तं आघविज्रइ सेत्तं दुहविवागा से किं तं सुहविवागा सुहविवागेसु णं सुहविवागाणं नगराई उज्जाणाई यणसंडाई चेइयाई समोसरणाई रायाणो अम्मापियरो धम्मायरिया धम्मकहाओ इहलोइय-परलोइया इड्ढिविसेसा भोगपरिखाणा पव्वजाओ परिआया सुयपरिगहा तवोवहाणाई सेल्लहणाओ भत्तपच्चक्खाणाई पाओवगमणाई देवतोगसमणाई सुहपरंपराओ सुकुलपच्चायाईओ पुणबोहिलाभा अंतिकिरियाओ य आघविज्रंति सेत्तं सुहविवागा विवागसुयस्स णं परितावायणा संखेज्जाअनुओगदारा संखेज्जावेदा संखेज्जासिलोगा संखेज्जाओ निज्जुत्तीओ संखेज्जाओसंगहणीओ संखेज्जाओपडिवत्तीओ से णं अंगट्टयाए इक्कारसमे अंगे दो सुयक्खंधा वीसं अज्झयणा वीसं उहेसणकाला वीसं समुहेसणकाला संखेज्जाई पयसहस्साई पयग्गेणं संखेज्जाअक्खरा अनंतागमा अनंतापज्जा परितातसा अनंतायावरा सासय-कड-निबद्ध-

निकाइया जिनपन्नता भावा आपविज्रति पत्रविज्रति परुविज्रति दंसिज्रति निदंसिज्रति उवदंसिज्रति से एवं आया एयं नाया एवं विष्णाया एवं चरण-करण-परुवणा आधविज्रइ सेतं विवागसुयं।५६।-५८

(१५०) से किं तं दिद्वियाए दिद्वियाए णं सव्वभावपरुवणा आधविज्रइ से समासओ पंचविहे पत्रते तं जहा-परिकम्मे सुत्ताइं पुव्वगए अनुओगे चूलिया से किं तं परिकम्मे परिकम्मे सत्तविहे पत्रते तं जहा-सिद्धसेणियापरिकम्मे मणुस्ससेणियापरिकम्मे पुट्टसेणियापरिकम्मे ओगाढ-सेणियापरिकम्मे उवसंपज्जणसेणियापरिकम्मे विप्पजहणसेणियापरिकम्मे चुयाचुयसेणियापरिकम्मे से किं तं सिद्धसेणियापरिकम्मे सिद्धसेणियापरिकम्मे चउइसविहे पत्रते तं जहा-माउगापयाइं एगड्डियपयाइं अट्टापयाइं पाढो आगासपयाइं केउभूयं रासिबद्धं एगगुणं दुगुणं तिगुणं केउभूयपडिग्गहो संसारपडिग्गहो नंदावत्तं सिद्धावत्तं सेतं सिद्धसेणियापरिकम्मे, से किं तं मणुस्ससेणियापरिकम्मे मणुस्ससेणियापरिकम्मे चउइसविहे पत्रते तं जहा-माउगापयाइं एगड्डियपयाइं अट्टापयाइं पाढो आगासपयाइं केउभूयं रासिबद्धं एगगुणं दुगुणं तिगुणं केउभूयपडिग्गहो संसारपडिग्गहो नंदावत्तं मणुस्सावत्तं सेतं मणुस्ससेणियापरिकम्मे, से किं तं पुट्टसेणियापरिकम्मे पुट्टसेणियापरिकम्मे इक्कारसविहे पत्रते तं जहा-पाढो आगासपयाइं केउभूयं रासिबद्धं एगगुणं दुगुणं तिगुणं केउभूयपडिग्गहो संसारपडिग्गहो नंदावत्तं पुट्टावत्तं सेतं पुट्टसेणियापरिकम्मे, से किं तं ओगाढसेणियापरिकम्मे ओगाढसेणियापरिकम्मे इक्कारसविहे पत्रते तं जहा-पाढो आगासपयाइं केउभूयं रासिबद्धं एगगुणं दुगुणं तिगुणं केउभूयपडिग्गहो संसारपडिग्गहो नंदावत्तं ओगाढावत्तं सेतं ओगाढसेणियापरिकम्मे, से किं तं उवसंपज्जण-सेणियापरिकम्मे उवसंपज्जणसेणियापरिकम्मे इक्कारसविहे पत्रते तं जहा-पाढो आगासपयाइं केउभूयं रासिबद्धं एगगुणं दुगुणं तिगुणं केउभूयपडिग्गहो संसारपडिग्गहो नंदावत्तं उवसंपज्जणावत्तं सेतं उवसंपज्जणसेणियापरिकम्मे, से किं तं विप्पजहणसेणियापरिकम्मे इक्कारसविहे पत्रते तं जहा-पाढो आगासपयाइं केउभूयं रासिबद्धं एगगुणं दुगुणं तिगुणं केउभूयपडिग्गहो संसारपडिग्गहो नंदावत्तं विप्पजहणावत्तं सेतं विप्पजहणसेणियापरिकम्मे, से किं तं चुयअचुय-सेणियापरिकम्मे चुयअचुयसेणियापरिकम्मे एक्कारसविहे पत्रते तं जहा-पाढो आगासपयाइं केउभूयं रासिबद्धं एगगुणं दुगुणं तिगुणं केउभूयपडिग्गहो संसारपडिग्गहो नंदावत्तं चुयअचुयावत्तं सेतं चुयअचुयसेणियापरिकम्मे छ चउक्कणइयाइं सत्त तेरासियाइं सेतं परिकम्मे, से किं तं सुत्ताइं सुत्ताइं बावीसं पत्रताइं तं जहा-उज्जुसुयं परिणयापरिणयं बहुमंगियं विजयचरियं अनंतरं परंपरं सामाणं संजूहं सीभिन्नं आहच्छायं सोवत्थियं घंटं नंदावत्तं बहुलं पुट्टापुट्टं विद्यावत्तं एवंभूयं दुयावत्तं वत्तमाणुप्पयं समभिरूढं सव्वओभइं पन्नासं दुप्पडिग्गहं इच्चेयाइं बावीसं सुत्ताइं छिण्णच्छेय-नइयाणि ससमयसुत्तपरियाडीए इच्चेयाइं बावीसं सुत्ताइं अच्छिण्णच्छेयनइयाणि आजीवियसुत्त-परियाडीए इच्चेयाइं बावीसं सुत्ताइं तिगनइयाणि तेरासियसुत्तपरियाडीए इच्चेयाइं बावीसं सुत्ताइं तिगनइयाणि तेरासियसुत्त-परियाडीए इच्चेयाइं बावीसं सुत्ताइं चउक्कणइयाणि ससमयसुत्त-परियाडीए एवामेव सपुव्वावरणं अट्टासीइं सुत्ताइं भवंतीति मक्खायं सेतं सुत्ताइं, से किं तं पुव्वगए पुव्वगए चउइसविहे पत्रते तं जहा-उप्पायपुव्वं अग्गेणीयं वीरियं अत्थिनत्थिप्पवायं नाणप्पवायं सच्चप्पवायं आयप्पवायं कम्मप्पवायं पच्चक्खाणं विज्जाणुप्पवायं अवंजं पाणाइं किरियाविसालं

लोकविदुसारं, उप्पायपुव्वस्स णं पुव्वस्स दस वत्थू चत्तारि चूलियावत्थू पत्रत्ता अग्गेणीयपुव्वस्स णं चोद्दस वत्थू दुवालस चूलियावत्थू पत्रत्ता वीरियपुव्वस्स णं अद्द वत्थू अद्द चूलियावत्थू पत्रत्ता अत्थिनत्थियप्पवायपुव्वस्स णं अद्धारस वत्थू दस चूलियावत्थू पत्रत्ता नाणप्पवायपुव्वस्स णं बारस वत्थू पत्रत्ता सच्चप्प- वायपुव्वस्स णं दोंणि वत्थू पत्रत्ता आयप्पवायपुव्वस्स णं सोलस वत्थू पत्रत्ता कम्मप्पवायपुव्वस्स णं तीसं वत्थू पत्रत्ता पच्चक्खाणपुव्वस्स णं वीसं वत्थू पत्रत्ता विज्जाणुप्पवायपुव्वस्स णं पन्नरस वत्थू पत्रत्ता अवंजपुव्वस्स णं बारस वत्थू पत्रत्ता पाणाउपुव्वस्स णं तेरस वत्थू पत्रत्ता किरिया- विसालपुव्वस्स णं तीसं वत्थू पत्रत्ता लोकविदुसारपुव्वस्स णं पणुवीसं वत्थू पत्रत्ता ॥५७-११-८६-१

- (१५१) दस चोद्दस अद्द अद्धारसेव बारस दुवे य वत्थूणि
सोलस तीसा वीसा पन्नरस अणुप्पवायम्मि ॥८२॥-८२
- (१५२) बारस इक्ककारसमे बारसमे तेरसेव वत्थूणि
तीसा पुण तेरसमे चोद्दसमे पन्नवीसाओ ॥८३॥-८३
- (१५३) चत्तारि दुवालस अद्द चेव दस चेव चुल्लवत्थूणि
आइल्लण चउण्हं सेसाणं चूलिया नत्थि ॥८४॥-८४

(१५४) सेतं पुव्वगए, से किं तं अनुओगे अनुओगे दुविहे पत्रत्ते तं जहा-मूलपदमाणुओगे गंडियाणुओगे य से किं तं मूलपदमाणुओगे मूलपदमाणुओगे णं अरहंताणं भगवंताणं पुव्वमवा देवलोगमण्णइं आउं चवणाइं जम्भणाणि य अभिसेया रायवरसिरीओ पव्वज्जाओ तवा य उग्गा केवलनाणुप्पयाओ तित्थपवत्तणाणि य सीसा गणा गणहरा अज्जा पवत्तिणीओ संघस्स चउव्विहस्स जं य परिमाणं जिण-मणपज्जव-ओहिनाणी समत्तसुयनाणिणो य वाई अनुत्तरगई य उत्तरवेउव्विओ य मुणिणो जत्तिया सिद्धा सिद्धिपहो जह देसिओ जच्चिरं थ कालं पाओवगया जे जहिं जत्तियाइं भत्ताइं अंतगडे मुणिवरुत्ते तम-रओघ-विष्णुमुक्के मुक्कसुहमनुत्तरं च पत्ते एतेअन्ने य एवमाई भावा मूलपदमाणुओगे कहिया सेतं मूलपदमाणुओगे, से किं तं गंडियाणुओगे गंडियाणुओगे कुत्तरगंडियाओ तित्थयरगंडियाओ चक्कयट्टिगंडियाओ दसारगंडियाओ बलदेवगंडियाओ वासुदेवगंडियाओ गणघरगंडियाओ महबाहुगंडियाओ तवोकम्मगंडियाओ हरिवंसगंडियाओ ओसप्पिणीगंडियाओ उस्सप्पिणीगंडियाओ चित्तंतरगंडियाओ अमर-नर-तिरिय-निरय-गइ-गमण-विविह-परियट्टणेसु एवमाइयाओ गंडियाओ आघविज्जंति सेतं गंडियाणु-ओगे सेतं अनुओगे, से किं तं चूलियाओ चूलियाओ-आइल्लणं चउण्हं पुव्वणं चूलिया सेसाइं पुव्व्याइं अवूलियाइं सेतं चूलियाओ दिट्ठियायस्स णं परित्ता वायणा संखेज्जाअनुओगदारा संखेज्जा-वेदा संखेज्जासिलेगा संखेज्जाओपडिवतीओ संखेज्जाओनिज्जुतीओ संखेज्जाओ संगहणीओ से णं अंगट्टयाए बारसमे अंगे एगे सुयक्खंधे चोद्दसपुव्व्याइं संखेज्जावत्थू संखेज्जा चुल्लवत्थू संखेज्जापाहुडा संखेज्जापाहुडपाहुडा संखेज्जाओपाहुडियाओ संखेज्जाओपाहुड- पाहुडियाओ संखेज्जाइं पयसहस्साइं पयणेणं संखेज्जाअक्खरा अनंतागमा अनंतापज्जवा परित्ता तसा अनंतायावरा सासय-कड-निषुद्ध-निकाइया जिनपत्रत्ता भावा आघविज्जंति पत्रविज्जंति- पस्सुविज्जंति दंसिज्जंति निदंसिज्जंति उवदंसिज्जंति से एवं आया एवं नाया एवं विण्णयाया एवं चरण-कारण-पस्सुवणा आघविज्जंति सेतं दिट्ठियाए ॥५७-११-८६

(१५५) इच्छेइयम्भि दुवालसंगे गणपिडगे अनंताभावा अनंताअभावा अनंताहेऊ अनंता अहेऊ अनंताकारणा अनंताअकारणा अनंताजीवा अनंताअजीवा अनंताभवसिद्धिया अनंता अभवसिद्धिया अनंतासिद्धा अनंताअसिद्धा पत्रत्ता ॥५८-११-५७-१

(१५६) भावमभावा हेऊ महेऊ कारणमकारणा वेव

जीवाजीवा भवियमभविया सिद्धा असिद्धा य

॥८५॥-८५

(१५७) इच्छेइयं दुवालसंगं गणपिडगं तीए काले अनंता जीवा आणाए विराहिता चाउरंतं संसारकंतारं अनुपरियट्टिसु इच्छेइयं दुवालसंगं गणपिडगं पडुप्यन्नकाले परित्ता जीवा आणाए विराहिता चाउरंतं संसारकंतारं अनुपरियट्टिति, इच्छेइयं दुवालसंगं गणपिडगं अणागए काले अनंताजीवा आणाए विराहिता चाउरंतं संसारकंतारं अनुपरियट्टिस्सिति इच्छेइयं दुवालसंगं गणपिडगं तीएकाले अनंताजीवा आणाए आराहिता चाउरंतं संसारकंतारं वीईवइंसु इच्छेइयं दुवालसंगं गणपिडगं पडुप्यन्नकाले परित्ता जीवा आणाए आराहिता चाउरंतं संसारकंतारं वीई-वयंति इच्छेइयं दुवालसंगं गणपिडगं अणागए काले अनंता जीवा आणाए आराहिता चाउरंतं संसारकंतारं वीईवइस्सति इच्छेइयं दुवालसंगं गणपिडगं न कयाइ नासी न कयाइ न भवइ न कयाइ न भविस्सइ भुविं च भवइ य भविस्सइ य धुवे नियए सासए अक्खए अब्बए अवट्टिए निच्चे से जहानामए पंचत्थिकाए न कयाइ नासी न कयाइ नत्थि न कयाइ न भविस्सइ भुविं च भवइ य भविस्सइ य धुवे नियए सासए अक्खए अब्बए अवट्टिए निच्चे एवामेव दुवालसंगे गणपिडगे न कयाइ नासी न कयाइ नत्थि न कयाइ न भविस्सइ भुविं च भवइ य भविस्सइ य धुवे नियए सासए अक्खए अब्बए अवट्टिए निच्चे से समासओ चउव्विहे पत्रत्ते तं जहा-दव्वओ खेत्तओ कालओ भावओ तत्थ दव्वओ णं सुयनाणी उवउत्ते सव्वदव्व्वाइ जाणइ पासइ खेत्तओ णं सुयनाणी उवउत्ते सव्वं खेतं जाणइ पासइ कालओ णं सुयनाणी उवउत्ते सव्वं कालं जाणइ पासइ भावओ णं सुयनाणी उवउत्ते सव्वे भावे जाणइ पासइ ॥५८१-५७

(१५८) अक्खर सण्णी सम्मं साइयं खलु सपज्जवसियं य

गमियं अंगपविट्ठं सत्तवि एए सपडिदक्खा

॥८६॥-८६

(१५९) आगम-सत्थग्गहणं जं बुद्धिगुणेहिं अट्ठहिं दिट्ठं

विंति सुयनाणलंभं तं पुव्वविसारया धीरा

॥८७॥-८७

(१६०) सुस्सुसइ पडिपुच्छइ सुणइ गिण्हइ य ईहए यावि

तत्तो अपोहए वा धारेइ वा सम्मं

॥८८॥-८८

(१६१) भूअं हुंकारं या बाढक्कार पडिपुच्छं वीमंसा

तत्तो पसंगपारायणं व परिणिट्ठं सत्तमए

॥८९॥-८९

(१६२) सुत्तत्थो खलु पढमो बीओ निज्जुत्तिमीसओ पणिओ

तइओ य निरवसेसो एस विही होइ अनुओगे

॥९०॥-९०

(१६३) सेत्तं अंगपविट्ठं सेत्तं सुयनाणं सेत्तं परोक्खं सेत्तं नंदी ॥५९१-५७

४४ नंदी सुत्तं समत्तं

पढमं चूलियासुत्तं समत्तं

परिसिद्धं-१ - अणुन्नानंदी

६९९९७

(१) से किं तं अणुन्ना, अणुन्ना छविहा पत्रत्ता तं जहा-नामाणुन्ना ठवणाणुन्ना दव्वाणुन्ना खेत्ताणुण्णा कालाणुन्ना भावणुन्ना से किं तं नामाणुन्ना नामाणुन्ना-जस्स णं जीवस्स वा अजीवस्स वा जीवाण वा अजीवाण वा तद्दुमयस्स वा तदुमयाण वा अणुण्ण ति नामं कीरइ सेत्तं नामाणुन्ना, से किं तं ठवणाणुन्ना ठवणाणुन्ना - जं णं कइकम्मे वा पोत्यकम्मे वा लेप्पकम्मे वा चित्तकम्मे वा गंथिमे वा वेढिमे वा पूरिमे वा संपात्तिमे वा अक्खे वा यराहए वा एगे वा अनेगे वा सम्भावठवणाए वा असम्भावठवणाए वा अणुण्ण ति ठवणा ठयिअत्ति सेत्तं ठवणाणुन्ना नाम-ठवणाणं को पतिविसेसो नामं आवकहियं ठवणा इतरिया वा होअा आवकहिया वा से किं तं दव्वाणुन्ना दव्वाणुन्ना दुविहा पत्रत्ता तं जहा-आगमतो य नोआगमतो य

से किं तं आगमतो दव्वाणुन्ना आगमतो दव्वाणुन्ना-जस्स णं अणुण्णत्ति पदं सिक्खियं ठियं जियं भियं परिजियं नामसपं घोससपं अहीणक्खरं अणघक्खरं अब्बाइद्धक्खरं अक्खलियं अमिलियं अविघ्गामेलियं पडिपुत्रं पडिपुत्रघोसं कंठोद्विष्पमुक्कं गुरुवायणोवगयं से णं तत्थ वायणाए पुच्छणाए परियट्ठणाए धम्मकहाए नो अणुपेहाए कम्हा अनुवओगो दव्वं इति कइ नेगमस्स एगे अनुवउत्ते आगमतो एगा दव्वाणुन्ना दोण्णि अनुवउत्ता आगमतो दोण्णि दव्वाणुन्नाओ तिण्णि अनुवउत्ता आगमतो तिण्णि दव्वाणुन्नाओ एवं जावतिया अनुवउत्ता तावतियाओ दव्वाणुन्नाओ एवमेव ववहारस्स वि संगहस्स एगे वा अणेगे वा अनुवउत्तोवा अनुवउत्ता वा दव्वाणुन्ना वा दव्वाणुन्नाओ वा सा एगा दव्वाणुन्ना उज्जुसुअस्स एगे अनुवउत्ते आगमतो एगा दव्वाणुन्ना पुहत्तं नेच्छइ तिण्हं सद्दणयाणं जाणए अनुवउत्ते अवत्थू कम्हा जत्ति जाणए अनुवउत्ते न भवति सेत्तं आगमतो दव्वाणुन्ना से किं तं नो आगमतो दव्वाणुन्ना नो आगमतो दव्वाणुन्ना ति विहा पत्रत्ता तं जहा-जाणगसरीरदव्वाणुन्ना भवियसरीरदव्वाणुन्ना जाणगसरीरभवियसरीरवइरित्ता दव्वाणुन्ना से किं तं जाणगसरीरदव्वाणुन्ना जाणगसरीरदव्वाणुन्ना-अणुण्ण ति पदत्थाहिगारजाणगस्स जं सरीरं ववगयचुत्तइयचत्तदेहं जीवविष्पजडं सिज्जागयं वा संधारगयं वा निसीडियागयं वा सिद्धसिलातलगयं वा अहो णं इमे णं सरीरसमुस्सएणं जिणदिट्ठेणं भावेणं अणुण्ण ति पयं आघवियं पन्नवियं पत्तवियं दंसियं निदंसियं उवदंसियं जहा को दिट्ठतो अयं घयकुंभे आसो अयं महुकुंभे आसी सेत्तं जाणगसरीरदव्वाणुन्ना से किं तं भवियसरीरदव्वाणुन्ना भवियसरीरदव्वाणुन्ना-जे जीवे जोणीजम्पणनिकखंते इमेमं चैव सरीरसमुस्सएणं आदत्तेणं जिणदिट्ठेणं भावेणं अणुण्ण ति पयं सेयकाले सिक्खिस्सइ न ताव सिक्खइ जहा को दिट्ठतो अयं घयकुंभे पविस्सति अयं महुकुंभे पविस्सति सेत्तं भवियसरीरदव्वाणुन्ना से किं तं जाणगसरीरभवियसरीरवइरित्ता दव्वाणुन्ना जाणगसरीर- भवियसरीरवइरित्ता दव्वाणुन्ना ति विहा पत्रत्ता तं जहा-लोइया कुप्पावयणिया लोउत्तरिया य से किं तं लोइया दव्वाणुन्ना लोइया दव्वाणुन्ना ति विहा पत्रत्ता तं जहा-सचित्ता अचित्तामीसिया

से किं तं सचित्ता दव्वाणुन्ना सचित्ता दव्वाणुन्ना-से जहाणामए राया इ वा जुवराया इ ईसरे इ वा तलवरे इ वा माड्डीए इ वा कोड्डीए इ वा इब्बे इ वा सेड्डी इ वा सेणावई इ वा सत्यवाहे इ वा कस्सइ कम्मि कारणे तुड्ढे समाणे आसं वा हत्थि वा उट्ठं वा गोणं वा खरं वा घोडयं वा एत्थयं वा अयं वा दासं वा दासि वा अणुजाणेअा सेत्तं सचित्ता दव्वाणुन्ना से किं तं अचित्ता दव्वाणुन्ना अचित्ता

दव्याणुना-से जहाणामए राया इ वा जुवराया इ वा ईसरे इ वा तलवरे इ वा मारडंबिए इ वा कोडुंबिए इ वा इब्मे इ वा सेट्टी इ वा सेणावई इ वा सत्यवाहे इ वा कस्सइ कम्मि कारणे तुट्टे समाणे आसणं वा सयणं वा छत्तं वा चामरं वा पडगं वा मउडं वा हिरण्णं वा सुवण्णं वा कंसं वा दूसं वा मणि-मोत्तिय-संख-सिलप्पवालरत्तरयणणादीयं संत-सार-सावइअं अनुजाणिञ्जा सेत्तं अचित्ता दव्याणुना से किं तं मीसिया दव्याणुना मीसिया दव्याणुना-से जहानामए राया इ वा जुवराया इ वा ईसरे इ वा तलवरे इ वा मारडंबिए इ वा कोडुंबिए इ वा इब्मे इ वा सेट्टी इ वा सेणावई इ वा सत्यवाहे इ वा कस्सइ कम्मि कारणे तुट्टे समाणे हत्थिं वा मुहमंडगमंडियं आसं वा यासग-चामरमंडियं सकडगं दासं वा दासिं वा सव्वालंकारविभूसियं अनुजाणिञ्जा सेत्तं मीसिया दव्याणुना सेत्तं लोइया दव्याणुना, से किं तं कुप्पावयणिया दव्याणुना कुप्पावयणिया दव्याणुना तिविहा पन्नता तं जहा-सचित्ता अचित्ता मीसिया से किं सचित्ता दव्याणुना सचित्ता दव्याणुना-से जहानामए आयरिए इ वा उवज्झाए इ वा कस्सइ कम्मि-कारणे तुट्टे समाणे आसं वा हत्थिं वा उट्टं वा गोंणं वा खरं वा घोडं वा अयं वा एलगं वा दासं वा दासिं वा अनुजाणिञ्जा सेत्तं सचित्ता दव्याणुना से किं तं अचित्ता दव्याणुना अचित्ता दव्याणुना-से जहानामए आयरिए इ वा उवज्झाए इ वा कस्सइ कम्मि कारणे तुट्टे समाणे आसणं वा सयणं वा छत्तं वा चामरं वा पट्टं वा मउडं वा हिरण्णं वा सुवण्णं वा कंसं वा दूसं वा मणि-मोत्तिय-संख-सिलप्पवाल-रत्तरयणणादीयं संत-सार-सावएअं अनुजाणिञ्जा सेत्तं अचित्ता दव्याणुना से किं तं मीसिया दव्याणुना मीसिया दव्याणुना-से जहाणामए आयरिए इ वा उवज्झाए इ वा कस्सइ कम्मि कारणे तुट्टे समाणे हत्थिं वा मुहमंडगमंडियं आसं वा यासगचामरमंडियं सकडगं दासं वा दासिं वा सव्वालंकारविभूसियं अनुजाणिञ्जा सेत्तं मीसिया दव्याणुना सेत्तं कुप्पावयणिया दव्याणुना

से किं तं लोउत्तरिया दव्याणुना लोउत्तरिया दव्याणुना तिविहा पन्नता तं जहा-सचित्ता अचित्ता मीसिया से किं तं सचित्ता दव्याणुना सचित्ता दव्याणुना-से जहानामए आयरिए इ वा उवज्झाए इ वा धेरे इ वा पवती इ वा गणी इ वा गणहरे इ वा गणावच्छेय इ वा सीसस्स वा सिस्सिणीए वा कम्मि कारणे तुट्टे समाणे सीसं वा सिस्सिणिं वा अनुजाणेञ्जा सेत्तं सचित्ता दव्याणुना से किं तं अचित्ता दव्याणुना अचित्ता दव्याणुना-से जहानामए आयरिए इ वा उवज्झाए इ वा धेरे इ वा पवती इ वा गणी इ वा गणहरे इ वा गणावच्छेयए इ वा सिस्सस्स वा सिस्सिणीए वा कम्मि कारणे तुट्टे समाणे वत्थं वा पायं वा पडिगहं वा कंबलं वा पायपुंछणं वा अनुजाणेञ्जा सेत्तं अचित्ता दव्याणुना से किं तं मीसिया दव्याणुना मीसिया दव्याणुना-से जहानामए आयरिए इ वा उवज्झाए इ वा धेरे इ वा पवती इ वा गणी इ वा गणहरे इ वा गणावच्छेयए इ वा सिस्सस्स वा सिस्सिणीए वा कम्मि कारणे तुट्टे समाणे वत्थं वा पायं वा पडिगहं वा कंबलं वा पायपुंछणं वा अनुजाणेञ्जा सेत्तं अचित्ता दव्याणुना से किं तं मीसिया दव्याणुना मीसिया दव्याणुना-से जहानामए आयरिए इ वा उवज्झाए इ वा धेरे इ वा पवती इ वा गणी इ वा गणहरे इ वा गणावच्छेयए इ वा सिस्सस्स वा सिस्सिणीए वा कम्मि कारणे तुट्टे समाणे सिस्सं वा सिस्सिणिं वा सपंड-मत्तोवगरणं अनुजाणेञ्जा सेत्तं मीसिया दव्याणुना सेत्तं लोउत्तरिया दव्याणुना सेत्तं जाणगसरीरभवियसरीरवइरिता दव्याणुना सेत्तं नोआगमतो दव्याणुना सेत्तं दव्याणुना: से किं तं खेताणुना खेताणुना-जो णं जस्स खेत्तं अनुजाणति जत्तियं वा खेत्तं जम्मि वा खेत्ते सेत्तं

खेत्ताणुन्ना से किं तं कालाणुन्ना कालाणुन्ना-जो णं जस्स कालं अनुजाणति जत्तियं वा कालं जम्भि वा काले अनुजाणति तं जहा-त्तीतं वा पडुम्भं वा अणागतं वा वसंतं हेमंतं पाउसं वा अयत्याणहेउं सेतं कालाणुन्ना से किं तं भावाणुन्ना भावाणुन्ना तिविहा पन्नत्ता तं जहा-लोइया कुप्पावयणिया लोउत्तरिया

से किं तं लोइया भावाणुन्ना लोइया भावाणुन्ना-से जहानामए राया इ वा जुवराया इ वा जाव तुट्टे सभाणे कस्सइ कोहाइभायं अनुजाणिञ्जा सेतं लोइया भावाणुन्ना से किं तं कुप्पावयणिया भावाणुन्ना कुप्पावयणिया भावाणुन्ना-से जहाणामए केइ आयरिए इ वा जाव कस्सइ कोहाइमावं अनुजाणिञ्जा सेतं कुप्पावयणिया भावाणुन्ना से किं तं लोउत्तरिया भावाणुन्ना लोउत्तरिया भावाणुन्ना-से जहाणामए आयरिए इ वा जाव कम्पि कारणे तुट्टे सभाणे कालोदियनाणाइगुण-जोगिणो विणीयस्स खमाइपहाणस्स सुसीलस्स सिस्सस्स तिविहेणं तिगरणविसुद्धेणं भावेणं आयांरं वा सुयगडं वा ठाणं वा समवायं वा विवाहपन्नतिं वा नायाधम्मकहं वा उवासगदसाओ वा अंतगडदसाओ वा सव्वदव्य-गुण-पञ्जवेहिं सव्वाणुओं वा अनुजाणिञ्जा सेतं लोउत्तरिया भावाणुन्ना सेतं भावाणुन्ना ।१।-१

- (२) किमणुण्ण कस्स णुन्ना केवतिकालं पवत्तिया णुन्ना
आदिकर पुरिमताले पयत्तिया उसभसेणस्स ॥१॥
- (३) अणुन्ना उण्णमणी नमणी नामणी ठवणा पमवो पभावण पयारो
तदुमय हिय मज्जाया नाओ मग्गो य कप्पो य ॥२॥
- (४) संगह संवर निज्जर ठिड्करणं चेव जीववुद्धिपयं
पदपवरं चेव तथा वीसमणुन्नाए नामाई ॥३॥

● नंदी सुते पद्यं परिसिद्धं अणुञ्जा नंदी सभत्ता ●

परिसिद्धं-२ - जोगनंदी

(१) नाणं पंधविहं पन्नतं तं जहा-आभिणिबोहियनाणं सुयनाणं ओहिनाणं मणपञ्चवनाणं कैयल्लनाणं तत्थ णं चत्तारि नाणाई ठप्पाई ट्वणिल्लाई नो उद्दिस्संति नो समुद्दिस्संति नो अनुन्विज्जंति सुयनाणस्स पुण उद्देसो समुद्देसो अणुन्ना अनुओगो य पवत्तइ जइ सुयनाणस्स उद्देसो समुद्देसो अणुन्ना अनुओगो य पवत्तइ किं अंगपविट्ठस्स उद्देसो समुद्देसो अणुन्ना अणुओगो य पवत्तइ किं अंगबाहिरस्स उद्देसो समुद्देसो अणुन्ना अनुओगो य पवत्तइ गोयमा अंगपविट्ठस्स वि उद्देसो समुद्देसो अणुन्ना अनुओगो य पवत्तइ अंगबाहिरस्स वि उद्देसो समुद्देसो अणुन्ना अनुओगो य पवत्तइ इमं पुण पट्टवणं पडुच्च अंगबाहिरस्स उद्देसो समुद्देसो अणुन्ना अनुओगो य पवत्तइ, जइ पुण अंगबाहिरस्स उद्देसो समुद्देसो अणुन्ना अनुओगो य पवत्तइ किं कालियस्स उद्देसो समुद्देसो अणुन्ना अनुओगो य पवत्तइ उक्कालियस्स उद्देसो समुद्देसो अणुन्ना अनुओगो य पवत्तइ गोयमा कालियस्स वि उद्देसो समुद्देसो अणुन्ना अनुओगो य पवत्तइ उक्कालियस्स वि उद्देसो समुद्देसो अणुन्ना अनुओगो य पवत्तइ इमं पुण पट्टवणं पडुच्च उक्कालियस्स उद्देसो समुद्देसो अणुन्ना अनुओगो य पवत्तइ जह उक्कालियस्स उद्देसो समुद्देसो अणुन्ना अनुओगो य पवत्तइ किं आवस्सगस्स उद्देसो समुद्देसो अणुन्ना अनुओगो य पवत्तइ आवस्सगवइरित्तस्स उद्देसो समुद्देसो अणुन्ना अनुओगो य पवत्तइ आवस्सगस्स वि उद्देसो समुद्देसो अणुन्ना अनुओगो य पवत्तइ

आवस्सगवइरित्तस्स वि उद्देसो समुद्देसो अणुन्ना अनुओगो य पवत्तइ

जइ आवस्सगस्स उद्देसो समुद्देसो अणुन्ना अनुओगो य पवत्तइ किं सामाइयस्स घउ-
वीसत्थयस्स वंदणस्स पडिक्कमणस्स काउस्सगस्स पद्यक्खाणस्स सव्वेसिं एतेसिं उद्देसो समुद्देसो
अणुन्ना अनुओगो य पवत्तइ जइ आवस्सगवइरित्तस्स उद्देसो समुद्देसो अणुन्ना अनुओगो य
पवत्तइ किं कालियसुयस्स उद्देसो समुद्देसो अणुन्ना अनुओगो य पवत्तइ उक्कालियसुयस्स उद्देसो
समुद्देसो अणुन्ना अनुओगो य पवत्तइ कालियस्स वि उद्देसो समुद्देसो अणुन्ना अनुओगो य पवत्तइ
उक्कालियस्स वि उद्देसो समुद्देसो अणुन्ना अनुओगो य पवत्तइ, जइ उक्कालियस्स उद्देसो
समुद्देसो अणुन्ना अनुओगो य पवत्तइ किं दसवेकालियस्स चुल्लकम्पसुयस्स महाकम्पयस्स
उववाइयसुयस्स रायपसेणीयसुयस्स जीवाभिगमस्स पन्नवणाए महापन्नवणाए पमायप्पमायस्स
नंदीए अनुओगदाराणं देविदधयस्स तंदुलवेयालियस्स चंदाविज्झयस्स सुरपन्नतीए [चंदपन्न-
तीए ?] पोरिसिंमंडलस्स मंडलप्पदेसस्स विज्जाचरणविच्छियस्स गणिविज्जाए संलेहणासुयस्स
विहारकम्पस्स वीयरामसुयं ज्ञाणविभत्तीए मरणविभत्तीए मरणविसोहीए आयविभत्तीए
आयविसोहीए वरणविसोहीए आउरपद्यक्खाणस्स महापद्यक्खाणस्स सव्वेसिं एएसिं उद्देसो
समुद्देसो अणुन्ना अनुओगो य पवत्तइ, जइ कालियस्स उद्देसो समुद्देसो अणुन्ना अनुओगो य
पवत्तइ किं उत्तरज्झयणाणं दसाणं कम्पस्स दवहारस्स निसीहस्स महानिसीहस्स इसिमासियाणं
जंबुद्वीवपन्नतीए घंदपन्नतीए दीवपन्नतीए सागरपन्नतीए खुड्डियाविमाणपविभत्तीए
महत्थियाविमाणपविभत्तीए अंगचूलियाए वग्गचूलियाए विवाहचूलियाए अरुणोववायस्स
वरुणोववायस्स गरुलोववायस्स धरुणोववायस्स वेसमणोववायस्स वेलंघरोववायस्स
देविंदोववायस्स उद्धानसुयस्स समुद्धानसुयस्स नागपरियावणियाणं निरयावतियाणं कप्पियाणं
कम्पवडिंसियाणं पुप्फियाणं पुप्फचूलियाणं वण्हियाणं वण्हिदसाणं आसीविसभावणाणं
दिट्ठिविसभावणाणं चारणभावणाणं सुमिणभावणाणं महासुमिणभावणाणं तेयग्गिनिसग्गाणं
सव्वेसिं पि एएसिं उद्देसो समुद्देसो अणुन्ना अनुओगो य पवत्तइ

जइ अंगपविट्ठस्स उद्देसो समुद्देसो अणुन्ना अनुओगे य पवत्तइ किं आघारस्स सूयगडस्स
ठाणस्स समवायस्स विवाहपन्नतीए नायाधम्मकहाणं उवासगदसाणं अंतगडदसाणं
अनुत्तरोववाइयदसाणं पण्हावागरणाणं विवागसुयस्स दिट्ठियापस्स सव्वेसिं पि एएसिं उद्देसो
समुद्देसो अणुन्ना अनुओगो य पवत्तइ इमं पुण पडुवणं पडुइ इमस्स साहुस्स इभाए साहुणीए
अमुगस्स सुयस्स उद्देसो समुद्देसो अणुन्ना अनुओगो य पवत्तइ खमासमणाणं हत्थेणं सुत्तेणं
तदुभयणं उद्देसामि समुद्देसामि अणुजाणामि ।१-१

● नंदी सुत्ते विचं थरिसिंइ जोगनंदी समत्तं ●

४४ नंदीसुत्तं-समत्तं

पढमं चूलिया सुत्तं समत्तं

[5]

:- अ-भा-रा-प्र-का-श-नी :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] कृन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चोविशी
 [९] शत्रुञ्जय भक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ थी ११
 [१२] अभिनव उपदेश प्रासाद -२- श्रावक कर्तव्य - १२ थी १५
 [१३] अभिनव उपदेश प्रासाद -३- श्रावक कर्तव्य - १६ थी ३६
 [१४] नवपद-श्रीपाल- [शाश्वती ओणीना व्याख्या-३पे]
 [१५] समाधिभरत [विधि-सूत्र-पद्य-आराधना- भरतलेद-संग्रह]
 [१६] चैत्यवन्दनमाणा [७७८ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानो
 [१९] सिद्धायलनो साथी [आवृत्ति-भे]
 [२०] चैत्यपरिपाटी
 [२१] अमदावाद् जिनमंदिर उपाश्रय आदि डिरेक्टरी
 [२२] शत्रुञ्जय ललित [आवृत्ति-भे]
 [२३] श्री नवकारमंत्र नवलाभ जाप नोंधपोधी
 [२४] श्री यारित्र पद भेद करोड जाप नोंधपोधी
 [२५] श्री भारव्रत पुस्तिका तथा अन्य नियमो [आवृत्ति-न्यार]
 [२६] अभिनव जैन पंचांग- २०४२; [सर्व प्रथम, १३ विभागीमां]
 [२७] श्री ज्ञानपद पूजा
 [२८] अंतिम आराधना तथा साधु साध्वी काण्ठधर्म विधि
 [२९] श्रावक अंतिम आराधना [आवृत्ति-त्रण]
 [३०] वीतराग स्तुति संयय [११५१-त्वाववाही स्तुतिओ]
 [३१] (पूज्य आगमोद्धारकश्रीना समुदायना) कायमी संपर्क स्थलो
 [३२] तत्त्वार्थाधिगमसूत्र अभिनवटीका- अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका- अध्याय-३

[6]

- [३५] तत्पार्थाधिगम सूत्र अग्निनवटीका- अध्याय-४
 [३६] तत्पार्थाधिगम सूत्र अग्निनवटीका- अध्याय-५
 [३७] तत्पार्थाधिगम सूत्र अग्निनवटीका- अध्याय-६
 [३८] तत्पार्थाधिगम सूत्र अग्निनवटीका- अध्याय-७
 [३९] तत्पार्थाधिगम सूत्र अग्निनवटीका- अध्याय-८
 [४०] तत्पार्थाधिगम सूत्र अग्निनवटीका- अध्याय-९
 [४१] तत्पार्थाधिगमसूत्र अग्निनवटीका- अध्याय-१०



| | | |
|------------------------|-------------------|---------------------|
| [४२] आयातो | [आगमसुत्ताणि-१] | पदमं अंगसुत्तं |
| [४३] सूयगडो | [आगमसुत्ताणि-२] | बीअं अंगसुत्तं |
| [४४] ठाणं | [आगमसुत्ताणि-३] | तइयं अंगसुत्तं |
| [४५] समवाओ | [आगमसुत्ताणि-४] | चउत्तं अंगसुत्तं |
| [४६] विवाहपन्नति | [आगमसुत्ताणि-५] | पंचमं अंगसुत्तं |
| [४७] नायाधम्मकहाओ | [आगमसुत्ताणि-६] | छट्ठं अंगसुत्तं |
| [४८] उवासगदसाओ | [आगमसुत्ताणि-७] | सत्तमं अंगसुत्तं |
| [४९] अंतगडदसाओ | [आगमसुत्ताणि-८] | अट्ठमं अंगसुत्तं |
| [५०] अनुत्तरोववाईयदसाओ | [आगमसुत्ताणि-९] | नवमं अंगसुत्तं |
| [५१] पण्हावागरणं | [आगमसुत्ताणि-१०] | दसमं अंगसुत्तं |
| [५२] विवागसूवं | [आगमसुत्ताणि-११] | एक्खरसमं अंगसुत्तं |
| [५३] उववाइअं | [आगमसुत्ताणि-१२] | पदमं उवंगसुत्तं |
| [५४] रापपसैणियं | [आगमसुत्ताणि-१३] | बीअं उवंगसुत्तं |
| [५५] जीवाजीवाधिगम | [आगमसुत्ताणि-१४] | तइयं उवंगसुत्तं |
| [५६] पन्नवणा-सुत्त | [आगमसुत्ताणि-१५] | चउत्तं उवंगसुत्तं |
| [५७] सूरपन्नति | [आगमसुत्ताणि-१६] | पंचमं उवंगसुत्तं |
| [५८] चंदपन्नति | [आगमसुत्ताणि-१७] | छट्ठं उवंगसुत्तं |
| [५९] जंबूहीवपन्नति | [आगमसुत्ताणि-१८] | सत्तमं उवंगसुत्तं |
| [६०] निरयादलियाणं | [आगमसुत्ताणि-१९] | अट्ठमं उवंगसुत्तं |
| [६१] कप्पदंडिसयाणं | [आगमसुत्ताणि-२०] | नवमं उवंगसुत्तं |
| [६२] पुष्कियाणं | [आगमसुत्ताणि-२१] | दसमं उवंगसुत्तं |
| [६३] पुष्कचूलियाणं | [आगमसुत्ताणि-२२] | एक्खरसमं उवंगसुत्तं |
| [६४] चण्हिदसाणं | [आगमसुत्ताणि-२३] | शारसमं उवंगसुत्तं |
| [६५] चउसरण | [आगमसुत्ताणि-२४] | पदमं पईण्णाणं |
| [६६] आउरपच्चक्खाण | [आगमसुत्ताणि-२५] | बीअं पईण्णाणं |
| [६७] महापच्चक्खाण | [आगमसुत्ताणि-२६] | तइअं पईण्णाणं |
| [६८] पत्त परिण्णा | [आगमसुत्ताणि-२७] | चउत्तं पईण्णाणं |

[7]

| | | |
|--------------------|---------------------|-------------------|
| [૬૧] તંદુલવેયાલિયં | [આગમસુત્તાણિ-૨૮] | પંચમં પર્દૃણગં |
| [૭૦] સંધારાગં | [આગમસુત્તાણિ-૨૧] | છટ્ઠં પર્દૃણગં |
| [૭૧] ગચ્છાચાર | [આગમસુત્તાણિ-૩૦-૧] | સત્તમં પર્દૃણગં-૧ |
| [૭૨] ચંદાવિજય | [આગમસુત્તાણિ-૩૦-૨] | સત્તમં પર્દૃણગં-૨ |
| [૭૩] ગણિવિજ્ઞા | [આગમસુત્તાણિ-૩૧] | અટ્ઠમં પર્દૃણગં |
| [૭૪] દેવિંદત્યઓ | [આગમસુત્તાણિ-૩૨] | નવમં પર્દૃણગં |
| [૭૫] મરણસમાહિ | [આગમસુત્તાણિ-૩૩/૧] | દસમં પર્દૃણગં-૧ |
| [૭૬] વીરત્યવ | [આગમસુત્તાણિ-૩૩/૨] | દસમં પર્દૃણગં-૨ |
| [૭૭] નિસીહ | [આગમસુત્તાણિ-૩૪] | પદ્મં છેયસુત્તં |
| [૭૮] યુહત્ કપ્પો | [આગમસુત્તાણિ-૩૫] | વીઅં છેયસુત્તં |
| [૭૯] વવહાર | [આગમસુત્તાણિ-૩૬] | તદ્અં છેયસુત્તં |
| [૮૦] દસાસુયક્કવંધં | [આગમસુત્તાણિ-૩૭] | ચરત્યં છેયસુત્તં |
| [૮૧] જીયકપ્પો | [આગમસુત્તાણિ-૩૮/૧] | પંચમ છેયસુત્તં-૧ |
| [૮૨] પંચકમ્પભાસ | [આગમસુત્તાણિ-૩૮/૨] | પંચમ છેયસુત્તં-૨ |
| [૮૩] મહાનિસીહ | [આગમસુત્તાણિ-૩૯] | છટ્ઠં છેયસુત્તં |
| [૮૪] આવસસયં | [આગમસુત્તાણિ-૪૦] | પદ્મં મૂલસુત્તં |
| [૮૫] ઓહનિજ્ઞુતિ | [આગમસુત્તાણિ-૪૧/૧] | વીઅં મૂલસુત્તં-૧ |
| [૮૬] પિંહનિજ્ઞુતિ | [આગમસુત્તાણિ-૪૧/૨] | વીઅં મૂલસુત્તં-૨ |
| [૮૭] દસવેયાલિઅં | [આગમસુત્તાણિ-૪૨] | તદ્અં મૂલસુત્તં |
| [૮૮] ઉત્તરજ્ઞયણં | [આગમસુત્તાણિ-૪૩] | ચરત્યં મૂલસુત્તં |
| [૮૯] નંદીસૂવં | [આગમસુત્તાણિ-૪૪] | પદ્મા ચૂલિયા |
| [૯૦] અણુઓગદારાઈ | [આગમસુત્તાણિ-૪૫] | વિતિયા ચૂલિયા |

નોંધ : પ્રકાશન ૧તી ૪૧ અભિનવ શ્વેત પ્રકાશને પ્રગટ કરેલ છે.

પ્રકાશન ૪૨-૮૦ આગમ શ્વેત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●


| | |
|---|---|
| શ્રી ડી. કે. ઠક્કર ૧૬, અલકાનગર, પ્રિયલક્ષ્મી મિલ્સ પાસે એલેમ્બિક રોડ, વડોદરા | શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ |
| શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા | ડૉ. પિનાકીન એન. શાહ ૨૧, મુખ્યાલયનગર, ગિરધરનગર, શાહીબાગ, અમદાવાદ |

નોંધ:- આગમના ૧-સેટ માટે “આગમ શ્વેત પ્રકાશન” વડોદરા નો રૂ. ૧૫૦૦/-
ની કિંમતનો પ્રકટ આપીને જ સેટ મેળવી શકશો.

[8]

-: પરિસિદ્ધ-નિદંસણં :-

- ૧ પદ્મં પરિસિદ્ધં - “વિસયાણુક્રમો”
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન “૪૫-આગમ બુહત્ વિસય કોસ” જેવું.
- ૨- લીયં પરિસિદ્ધં “વિસિદ્ધ સદ્વાણુક્રમો”
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્વાકોસ” જેવું.
- ૩- તદ્વ્યં પરિસિદ્ધં- “વિસેસ નામાણુક્રમો”
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાવ્યો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ચરત્વ્યં પરિસિદ્ધં - “ગાહાણુક્રમો”
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્રમો” જેવું.
- ૫- પંચમં પરિસિદ્ધં “સુતાણુક્રમો”
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપમોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી-ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ચંદવન્નતિ શિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સચિતિ, (૨) દેવચંદ લાલભાઈ ઇંડ (૩) ઋષભદેવ કેસરીમલ પેટ્ટી એ ત્રણ સંસ્થાના પ્રકાશનો જ લીધા છે. - ચંદ વન્નતિ માટે હસ્ત લિખિત પ્રત લીધેલી છે, - બુહત્કવ્યો - પૂ. પુન્યવિજયજી મ.સંપાદિત, નિસીહ-પૂ.કનૈયાલાલજી સંપાદિત, વવહાર, પૂ.મુનિ માધેક સંપાદિત, જીવકવ્યો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાનુયક્ષંધ ની ચૂર્ણિજ મળી છે. માટે તેનું ક્રમાંકન થઈ શકેલ નથી.

४५-आगमना प्रधान आर्थिक अनुदाता

स.स्य.३ शु.ता.नु.रा.णी श.भ.वो.पा.सि.अ

श्रीमती नयनालहेन रमेशचंद्र शाह - परिवार, पडोहरा

प्रस्तुत आगमनां मुख्य द्रव्य सहायक